

論

語

正

義

論語正義卷二十

恭冕述

陽貨第十七 集解

凡二十四章

正義曰漢石經凡廿六章洪氏頤煊讀書叢錄謂漢石經分子曰唯上知與下

愚不移子謂伯魚曰各自為一章故云廿六邢本古者民有三疾章下有子曰巧言令色鮮矣仁注王曰巧言無實令色無質唐石經亦有此章係旁注御覽三百八十八引論語陽貨曰巧言令色鮮矣仁疑古傳本有二有者非後人所增無者亦非後人所刪也皇本考文引古本足利本高麗本皆無此章則從集解所據本也王注亦見學而篇皇疏

陽貨欲見孔子孔子不見

注孔曰陽貨陽虎也季氏家臣而

專魯國之政欲見孔子使仕歸孔子豚孔子時其亡也而

# 往拜之遇諸塗

(注) 孔曰欲使往謝故遺孔子豚塗道也於

道路與相逢

正義曰孟子滕文公篇載此事云陽貨欲見孔子而惡無禮惡無禮者謂孔子不往見嫌

已無禮以致之也又云大夫有賜於士不得受於其家則

往拜其門陽貨賜孔子之亡也而饋孔子蒸豚孔子亦

其亡也而往拜之當是時陽貨先豈得不見趙岐注陽貨

魯大夫也孔子士也陽貨視孔子亡而饋之者欲

使孔子來答恐其便答拜使人也豚非大牲故用熟饋也

孔子闕其亡者心不欲見陽貨也據孟子則歸豚本由闕

亡故孔子亦受而闕亡拜之彼文作饋此作歸二字通用

釋文載鄭本作饋云魯讀饋爲歸今從古則作饋者古論

作歸者魯論也廣雅釋詁觀視也王氏念孫疏證引此文

謂時與觀同釋言篇時伺也此與孟子作闕義合陽貨稱

大夫者毛氏奇齡四書賡言季氏是司徒下有大夫二人

一曰小宰一曰小司徒故邑宰家臣通稱大夫也周氏柄

中典故辨正說禮玉藻云酒肉之賜弗再拜又云大夫親

賜於士士拜受又拜於其室孔疏此非酒肉之賜故再拜

陽貨饋蒸豚正是酒肉之賜弗再拜者故必闕亡而來

注陽貨陽虎也。正義云貨虎一聲之轉疑貨是名虎是

字也顧氏棟高春秋大事表陽虎欲以己更孟氏疑與孟  
孫同族。注欲使至相逢。正義曰廣雅釋詁歸遺也孟  
子疏引此注豚豕之小者今此文脫說文爾小豕也從豕  
省象形豚篆文從囟豕方言豬其子或謂之豚或謂之豨  
吳揚之間謂之豬子是豚爲豕之小者也爾雅釋宮路旅  
塗也釋名釋道云塗度也人所由得通度也周官司險注  
五涂徑畛涂道路也此注塗訓道又道路連言皆渾舉不  
分別也相逢者訓遇爲逢也爾雅釋詁邁逢遇也邁逢遇  
還見也穀梁傳謂孔子曰來予與爾言曰懷其寶而迷其  
不期而會曰遇謂孔子曰來予與爾言曰懷其寶而迷其  
邦可謂仁乎曰不可。注馬曰言孔子不仕是懷其寶也知  
國不治而不爲政是迷邦也好從事而亟失時可謂知乎  
曰不可。注孔曰言孔子棲棲好從事而數不遇失時不得  
爲有知日月逝矣歲不我與。注馬曰年老歲月已往當急  
仕孔子曰諾吾將仕矣。注孔曰以順辭免。正義曰毛氏奇  
齡稽求篇引明

郝敬云前兩曰不可皆是貨自爲問答以斷爲必然之理  
此如史記畱侯世家張良阻立六國後八不可語有云今  
陛下能制項籍之死命乎曰未能也能得項籍頭乎曰未  
能也能封聖人墓表賢者閭式智者門乎曰未能也皆張  
良自爲問答至漢王輟食吐哺以下纔是高祖語此章至  
孔子曰以下纔是孔子語孔子答語祇此故記者特加孔  
子曰三字以別之閻氏若璩釋地又續同樊氏廷枚釋地  
補云孔子世家楚令尹子西曰王之使使諸侯有如子貢  
者乎曰無有王之輔相有如顏回者乎曰無有王之將率  
有如子路者乎曰無有王之官尹有如宰予者乎曰無有  
此亦子西自爲問答王氏引之經傳釋詞有一人之言而  
自爲問答者則加曰字以別之論語云云孟子告子篇爲  
是其智弗若與曰非然也是也懷其寶者懷藏也皇疏寶  
猶道也義見廣雅釋詁胡氏紹勳拾義或謂身爲寶如老  
子輕敵幾喪吾寶注云寶身也呂覽先已篇嗇其大寶注  
云大寶身也懷其寶謂藏其身兩義並通爾雅釋詁迷惑  
也說文同言懷道不仕若已迷惑其邦不使致治也吾將  
仕者言已當就仕也左僖二十三年傳策名委質服虔解  
誼古者始仕必先書其名於策委死之質於君然則夫子  
言將仕意亦策名委質如今時投選報吏部矣。注言孔

至有知。正義曰：孔子初適周，反魯既又適齊，反魯是栖  
栖也。少儀亟見曰：朝夕注亟數，也是亟有數訓。注：年老  
歲月已往。正義曰：陽虎於定八年冬，叛魯，孔子年五十  
一。此語在未叛魯前時，孔子年亦近五十，始衰得稱老也。  
。注：以順辭免。正義曰：皇疏引郭象曰：聖人無心仕與  
不仕，隨世耳。陽虎勸仕，理無不諾，不能用我，則無自用。此  
直道而應者也。然免  
遜之理亦在其中也。

# 子曰性相近也習相遠也

注孔曰：君子慎所習。

正義曰：戴氏震孟，孟子字義。

疏證性者分於陰陽五行，以爲血氣心知，品物區以別焉。  
舉凡既生以後，所有之事，所具之能，所全之德，咸以是爲  
其本。故易曰：成之者性也。氣化生人，生物以後，各以類滋  
生久矣。然類之區別，千古如是也。循其故而己矣。在氣化  
曰陰陽，曰五行，而陰陽五行之成化也，雜糅萬變，是以及  
其流形，不特品物不同，雖一類之中，又復不同。凡分形氣  
於父母，卽爲分於陰陽五行。人物以類滋生，皆氣化之自  
然。中庸曰：天命之謂性，以生而限於天，故曰天命大戴禮  
記曰：分於道之謂命，形於一之謂性，分於道者，分於陰陽  
五行也。言乎分則其限之於始，有偏全厚薄清濁昏明之

不齊各隨所分而形於一各成其性也然性雖不同大致以類爲之區別故論語曰性相近也此就人與人近言之也孟子曰凡同類者舉相似也何獨至於人而疑之聖人與我同類者言同類之相似則異類之不相相似明矣故語告子生之謂性曰然則犬之性猶牛之性牛之性猶人之性與明乎其不可混同言之也又曰問孟子之時因告子諸人紛紛各立異說故直以性善斷之孔子但言善相近意在於警人慎習非因論性而發故不必直斷以善與曰然古今常語凡指斥下愚者矢口言之每曰此無人性稍舉其善端則曰此猶有人性以人性爲善稱無人性卽所謂人見其禽獸也有人性卽相近也善也論語言性相近正見人無有不善若不善與善相反其遠已縣絕何近之有分別性與習然後有不善而不可以不善歸性凡得養失養及陷溺梏亡咸屬於習也李氏光地論語劄記案夫子此言惟孟子能暢其說其曰性善卽相近之說也其曰或相倍蓰而無算其所以陷溺其心者然也則習相遠之說也先儒謂孔子所言者氣質之性非言性之本孟子所言乃極本窮源之性愚謂惟其相近是以謂之善惟其善是以相近似未可言孔孟之指殊也蓋孔孟所言者皆人性耳若以天地之理言則乾道變化各正性命禽獸草木

無非是者然禽獸之性則不可言與人相近相  
善者也故孝經曰天地之性人為貴是孔子之說無異於  
孟子也禽獸之性不可以言善所謂善者以其同類而相  
近也故曰人皆可以為堯舜是孟子之說又無異於孔子  
也焦氏循性善解性無他食色而已飲食男女無別也茹毛飲血  
之當其先民知有母不知有父則男女無別也茹毛飲血  
不知火化則飲食無節也有聖人出示之以嫁娶之禮而  
民知有人倫矣示之以耕耨之法而民知自食其力矣以  
此示禽獸禽獸不知也禽獸不知則禽獸之性不能善人  
知之則人之性善矣以飲食男女言性而人性善不待煩  
言自解也禽獸之性不能善亦不能惡人之性可以敵虎而  
亦可使之為人惟其可引故性善也牛之性可以敵虎而不  
可使之為人惟其可引故性善也牛之性可以敵虎而不  
矣是故惟習相遠乃知其性相近若禽獸則習不能相遠  
也案諸說皆精審足以發明孔孟言性之旨其他家言性  
若荀子性惡是就當時之人性皆不善此有激之論不為  
典要至世碩言性有善有惡與公都子所言性有善有不  
善同又告子言性無善無不善或說性可以為善可以為  
不善及漢後儒者之說皆多影響故俱畧之漢書宣元六  
王傳詔曰夫人之性皆有五常及其少長耳目牽於耆欲



故五常消而邪心作情亂其性利勝其義由是言之性不外乎者欲習即生於者欲善者能制其耆欲而習而爲善不善者不能制其耆欲而習而爲不善善惡殊途所以爲相遠也。注君子慎所習。正義曰後漢書班彪傳時東宮初建諸王國並開而官屬未備師保多缺彪上言曰孔子稱性相近習相遠賈誼以爲習與善人居不能無善猶習與惡人居不能無惡是以聖人慎所與居而戒慎所習即此注之義漢書刑法志風俗移人人性相近而習相遠信矣亦謂人子曰惟上知與下愚不移注孔曰上知不可習於俗也

使爲惡下愚不可使彊賢

正義曰阮氏元論性篇性中雖有秉彝而才性必有智愚之別

然愚者非惡也智者善愚者亦善也古人每言才性即孟子所謂非才之罪也韓文公原性因此孔子之言爲三品之說雖不似李習之之悖於諸經然以下愚爲惡誤矣或者更欲以性爲至靜至明幾疑孔子下愚之言爲有礙則更誤矣尙書召誥曰今天其命哲哲與愚相對哲即智也有吉必有凶有智必有愚召公曰既命哲者言所命非愚然則愚亦命之所有下愚亦命之所有但今若生子在厥初生自貽哲命耳孔子之言與召公之言無少差謬又案

韓文公原性篇謂孔子性善之說得上而遺下蓋文公以子魚楊食我等爲性惡也然此正是孔子所謂不移之下愚也非惡也今案阮說是也漢書古今人表傳曰譬如堯舜禹稷禹與之爲善則行鮌讎兜欲與爲惡則誅可與爲善不可與爲惡是謂上智桀紂龍逢比干欲與之爲善則誅干桀崇侯與之爲惡則行可與爲惡不可與爲善是謂下愚齊桓公管仲相之則霸豎貂輔之則亂可與爲善可與爲惡是謂中人此文畧本賈誼新書連語篇以上智爲善下愚爲惡論衡論性篇亦云孔子曰性相近也習相遠也夫中人之性在所習焉習善而爲善習惡而爲惡也至於極善極惡非復在習故孔子曰惟上智與下愚不移性有善不善聖化賢教不能復移易也是以上智下愚爲善惡之分又以上章及此章爲三品漢人早有此說而文公因之然有性善有性不善性可以爲善可以爲不善孟子已辭而闢之而斷爲性善則知三品之言非矣夫子言生而知之爲上卽此上智困而學之爲又次困卽是愚而爲又次無不可移也至困而不學乃云民斯爲下卽此所云下愚戴氏震孟子字義疏證生而下愚其人難與言義由自絕於學是以不移然苟畏威懷惠一旦觸於所畏所懷之人啟其心而憬然覺悟往往有之苟悔而從善則

非下愚矣加之以學則日進於智矣以不移定爲下愚又  
往往在知善而不爲知不善而爲之者故曰不移不曰不  
可移雖古今不乏下愚而其精爽幾與物等者亦究異於  
物無不可移也程氏瑤田論學小記人之氣有清濁故有  
智愚然人之智固不同於犬牛之智人之愚亦不同於犬  
牛之愚犬牛之愚無仁義禮智之端人之愚未嘗無仁義  
禮智之端是故智者知正其衣冠矣愚者亦未嘗不欲正  
其衣冠也其有不然者則野人之習於鄉俗者也然野人  
亦自有智愚其智者亦知當正其衣冠而習而安焉此習  
於惡則惡之事也其愚者見君子之正其衣冠也亦有所  
不安於心及欲往見君子必將正其衣冠焉此習於善則  
善之事也案如程說是愚亦可爲善則愚非惡矣如戴說  
卽下愚亦可移蓋均本孟子性善之旨以發明夫子言外之意

子之武城聞弦歌之聲注孔曰子游爲武城宰夫子莞爾而

笑注莞爾小笑貌曰割雞焉用牛刀注孔曰言治小何須

用大道正義曰鄭注云武城魯之下邑與前篇包注畧同御覽卷一百六十引此文注云武城今在費縣此

注不知爲誰宋氏翔鳳樸學齋札記謂亦鄭注不知然否  
弦歌者說文弦弓弦也從弓象絲軫之形曹憲廣雅音凡  
弓弩琴瑟弦皆從弓皇本此文作絃是別體文王世子春  
誦夏弦注弦謂以絲播詩周官小師弦歌注弦謂琴瑟也  
歌依詠詩也依詠詩者謂以琴瑟之弦依詩詠之也毛詩  
子衿傳古人教以詩樂誦之歌之弦之舞之夫子於武城  
得聞之者樂記云古之教者家有塾黨有庠春秋時庠塾  
之教廢故禮樂崩壞雅頌之音不作子游爲武城宰乃始  
復庠塾之教於時受學者眾故夫子得聞弦歌之聲也莞  
爾釋文作莞華版反本今作莞易夬九五莞陸夬夬虞翻  
注莞悅也讀如夫子莞爾而笑之莞案說文莞讀若丸與  
莞字從艸從見形最相似莞訓山羊細角羊有善義故引  
申爲和睦之訓論語正字作莞段借作莞集解云小笑貌  
與虞氏莞睦之訓亦合釋文所見本作莞遂音華版反非  
也此說畧本之劉氏毓崧見其所著通義堂集唐石經作  
莞皇邢本同列子天瑞篇老非之爲莞也殷敬順釋文莞  
一作莞亦二字混用不別廣雅釋詁莞笑也疑莞字小變  
唐貞觀孔子廟碑呢爾微笑此後出俗字割雞謂分割肉  
節也爾雅釋言割裂也說文雞知時畜也鷄籀文雞從鳥  
牛刀謂割牛刀也不言割者豕上省文○注莞爾小笑貌

○正義曰唐貞觀碑悅爾微笑微小義同楚辭漁父云漁父莞爾而笑王逸注笑離斷也文選張衡東京賦注莞爾舒張面目之貌也。注言治小何須用大道。正義曰此戲言也皇疏引繆播曰惜其不得導千乘之國如牛刀割雞不盡其才此子游對曰昔者偃也聞諸夫子曰君子學深得夫子之意子游對曰昔者偃也聞諸夫子曰君子學道則愛人小人學道則易使也注道謂禮樂也樂以和人人和則易使子曰二三子注孔曰從行者偃之言是也前

言戲之耳

注孔曰戲以治小而用大道

正義曰君子者謂王公士大夫之子

孫也小人者謂凡庶民之子孫也尚書大傳新穀已入稷鉏已藏祈樂已入歲事既畢餘子皆入學是亦入學習禮樂也樂記云樂者為同禮者為異同則相親異則相敬台情飾貌者禮樂之事也又云樂至則無怨禮至則不爭揖讓而治天下者禮樂之謂也則學禮樂自知相親相敬之道故愛人也又云禮義立則貴賤等矣樂文同則上下和矣民知事貴敬上之道故易為上所使也戲者爾雅釋詁戲謔也呂覽重言篇注戲不誠也

公山弗擾以費畔召子欲往注孔曰弗擾爲季氏宰與陽虎

其執季桓子而召孔子子路不說曰未之也已何必公山

氏之之也注孔曰之適也無可之則止何必公山氏之適

子曰夫召我者而豈徒哉如有用我者吾其爲東周乎注

興周道於東方故曰東周正義曰潛夫論志氏姓公山氏

左傳及史記孔子世家漢書古今人表皆作不狃王氏引

之春秋名字解詁不語詞不狃狃也論語作弗擾段借字

也古音狃與擾同不狃字子洩洩與怏通皆貫習之義金

履祥通鑑前編公山不狃以費畔季氏佛胎以中牟畔趙

氏皆家臣畔大夫也而召孔子孔子雖卒不往而云欲往

者蓋大夫畔諸侯而陪臣以張公室爲名也子韓哲曰大

夫而欲張公室罪莫大焉此當時流俗之言也抑大夫而

欲張公室亦名義也故欲往以明其可也然二人者皆以

已私爲之非真可與有爲也故卒不往以知其不可也案

金說是也翟氏灝考異謂召是季氏召下文何必公山氏

之之也何必下脫因字上之謂往下之謂季氏此不得其解妄爲說之豈徒者言不徒召之而往也吾其爲者其與豈同言不爲也東周者王城也周自文王宅豐武王宅鎬及後伐紂有天下遂都鎬稱鎬京焉天下謂之宗周迨周公復營東都於郊駟是爲王城幽王時犬戎攻滅宗周平王乃遷居東都遂以東都爲東周而稱鎬京爲西周也史記孔子世家定公九年陽虎奔于齊是時孔子年五十公山不狃以費畔季氏使人召孔子孔子循道彌久溫溫無所試莫能已用曰蓋周文武起豐鎬今費雖小儻庶幾乎欲往子路不說止孔子孔子曰夫召我豈徒哉如用我其爲東周乎然亦卒不行據世家之文是孔子欲以費復西周文武之治此當出安國故也鹽鐵論褒賢篇孔子曰如周文之治此當出安國故也鹽鐵論褒賢篇孔子曰如有用我者吾其爲東周乎庶幾成湯文武之功爲百姓除殘去賊豈貪祿樂位哉亦據文武爲孔子欲復西周而兼言成湯此皆古論家說其後夫子作春秋據魯新周卽此意必據魯者周道幽厲傷之而猶在魯故據魯春秋而一新以西周之治新以西周不得不得不細東周故此文亦言不爲東周也鄭注此云東周據時成周案公羊傳曰王城者何西周也成周者何東周也成周者亦周公所營以處殷頑民在王城之東胡氏渭禹貢錐指謂二城東西相去四

十里是也王子朝之亂敬王出居成周當時遂以王城爲  
西周成周爲東周鄭云據時當指成周爲當時遂以王城爲  
時王室已定不致有爲東周之疑也皇本川上有復字其  
注弗擾至孔子。正義曰左定五年傳季桓子行野及費  
子洩爲費宰逆勞於郊桓子敬之九月乙亥陽虎囚季桓  
子又八年傳季寤公鉏極公山不狃皆不得志於季氏叔  
孫輒無寵於叔孫氏叔仲志不得志於魯故五人因陽虎  
欲去三桓將享桓子於蒲圃而殺之桓子以計入於孟氏  
孟氏之宰公斂處父率兵敗陽虎陽虎遂逃於讎陽關以  
叛季寤亦逃而出竊意不狃斯時正爲費宰而陰觀成敗  
於其際故畔形未露直至九年始據邑以叛然猶曰張公  
室也久之而並與魯爲敵故定十二年仲由爲季氏宰將  
墮費而不狃及叔孫輒率費人襲魯夫子命申句須樂頤  
伐之而後北國人追之敗諸姑蔑不狃及輒遂奔齊此則  
不狃畔魯之事而非此之以費畔也史記孔子世家載以  
費叛召孔子在定九年可補左氏之遺趙氏翼陔餘叢考  
信左傳而反議史記並疑論語則過矣若毛氏奇齡稽求  
篇據此注謂陽虎囚季桓子弗擾之畔卽在其時則爲定  
五年與世家不合且不狃初以仲梁懷不敬已而欲陽虎  
逐之虎遂並囚桓子桓子先亦甚敬不狃斯時似尙無釁



其畔季氏乃八年以後事左傳文甚明顯不得牽混。注之適也無可之則止。正義曰武氏億經讀考異近讀從已字絕句案孔曰云云是當以也字為句已為止又作一讀今案近讀義勝。注興周道於東方故曰東周。正義曰費在周東故曰東方

子張問仁於孔子孔子曰能行五者於天下為仁矣請問之

曰恭寬信敏惠恭則不侮注孔曰不見侮慢寬則得眾信

則人任焉敏則有功注孔曰應事疾則多成功惠則足以

使人正義曰任謂任事也國語晉語箕鄭曰信於令則時無廢功信於事則民從事有業即此義也惠者仁也

謂以仁心行仁政也書皋陶謨云安民則惠黎民懷之民懷其上故足使之也趙氏佑溫故錄惠順也此康誥惠不

惠之惠仁者待人務順乎人情凡有所使皆量其長而不苛所短子以佚而常體其勞是之謂惠此義亦通。注不

見侮慢。正義曰鄭注云不致人侮慢之言即偽孔所本皇疏引江熙曰自敬者人亦敬已也。注應事疾則多威

功。正義曰說文敏疾也管子形勢云朝忘其事夕失其功是言治事當敏疾也焦氏循補疏僖四年公羊傳注生事有漸故敏則有功徐彥疏云敏審也言舉事敏審則有成功矣是敏之義為審僖二十三年左傳辟不敏也注云敏猶審也卅三年左傳禮成而加之以敏注云敏審當於事亦以敏為審周官師氏二曰敏德注云敏德仁義順時者也當其可之謂時順時則審當之謂也案焦從何義亦通

佛肸召子欲往

注

孔曰晉大夫趙簡子之邑宰子路曰昔者

由也聞諸夫子曰親於其身為不善者君子不入也

注孔

曰不入其國佛肸以中牟畔子之往也如之何

正義曰阮氏元按勘

記佛肸皇本作茀肸唐石經作佛肸古今人表作茀肸佛茀茀三字音近通借五經文字云肸肸上說文下隸省史記孔子世家佛肸為中牟宰趙簡子攻范中行伐中牟佛肸畔使人召孔子云云是中牟為范中行邑佛肸是范中行

行之臣於時為中牟宰而趙簡子伐之故佛肸即據中牟以畔也左哀五年傳夏趙鞅伐衛范氏之故也遂圍中牟

此卽簡子伐中牟之事然則佛肸之召孔子當在哀五年無疑矣翟氏灝考異云簡子挾晉侯以攻范中行佛肸爲范中行家邑宰因簡子致伐距之于晉爲畔于范中行猶爲義也且聖人神能知幾范中行滅則三分晉地之勢成三分晉地之勢成則大夫自爲諸侯之禍起其爲不善較佛肸孰大小哉子路見未及此但知守其常訓聖人雖有見焉卻難以前知之幾爲門弟子語也故但以堅白恒理答之案翟說太深反失聖意蓋聖人視斯人之徒莫非吾與而思有以治之故於公山佛肸皆有欲往之意且其時天下失政久矣諸侯畔天子大夫畔諸侯少加長下凌上相沿成習恬不爲怪若必欲棄之而不與易則滔滔皆是天下安得復治故曰天下有道丘不與易也明以無道之故而始欲仕也且以仲弓子路冉有皆仕季氏夫季氏非所謂竊國者乎而何以異於畔乎子路身仕季氏而不欲夫子赴公山佛肸之召其謹守師訓則固以親於其身爲不善君子不入二語而已而豈知夫子用世之心與行道之義固均未爲失哉中牟者邑名王氏塗四書地理攷洪氏亮吉曰管子云築五鹿中牟鄴者三城相接也五鹿今直隸大名府元城縣鄴今河南彰德府安陽縣是中牟在當時與五鹿鄴相接矣韓非子晉平公問趙武曰中牟三

國之股肱邯鄲之肩髀邯鄲即今直隸廣平府邯鄲縣是  
中牟在當時又與邯鄲咫尺矣臣瓚引汲郡古文云齊師  
伐趙東鄆圍中牟趙時已都邯鄲是中牟又在邯鄲之東  
矣戰國策昔者趙氏襄王魏主身披甲底劍挑趙索戰邯  
鄲之中騫河山之間亂律得是藉也亦收餘甲而北面殘  
剛平墮中牟之郭是中牟又在衛之北境矣太平寰宇記  
湯水在湯陰縣北源出縣西中牟山去縣三十五里元豐九  
域志亦云湯陰縣有中牟山戰國策舊注云中牟在相州湯  
陰縣史記佛肸爲中牟宰索隱云此河北之中牟蓋在漢  
陽西漢陽蓋濮陽之誤今湯陰縣正在濮州西也張守節  
史記正義亦云湯陰縣西五十八里有中牟山蓋中牟邑在  
此山側則中牟在湯陰無疑也今湯陰去安陽不五十里  
去邯鄲元城亦不出一二百里益信管子韓非子所云相  
接云肩髀無一字妄設也春秋傳晉車千乘在中牟中牟  
人欲伐之哀五年趙鞅伐衛圍中牟杜預以滎陽中牟爲  
注而疑其回遠裴駢集解又以中牟非自衛適晉之次不  
知春秋傳之中牟卽今湯陰中牟也晉在衛之西北今湯  
陰縣正在滑縣等西北爲衛人晉必由之道若河南之中  
牟漢雖立爲縣而其名實未嘗見於經傳班固地理志于  
河南郡中牟縣注云趙獻侯自耿徙此則以鄭之中牟爲

趙之中牟雖偶有未檢然殊非小失矣左傳正義以爲中牟在河北不復知其處而又引臣瓚云中牟當在溫水之上史記集解引瓚說溫水又作漯水則又未知何據也案定九年衛侯將如五氏過中牟五氏在今邯鄲縣西南蓋衛侯自今開州至邯鄲而路由湯陰是時中牟屬晉至哀五年趙鞅伐衛圍中牟則中牟屬衛矣豈因佛肸之叛地人于衛與若臣瓚之說引作溫水或引作漯水疑當爲湯水之譌也案洪說甚核全氏祖望經史問答莊氏述祖別記畧同如之何者之者是也謂佛肸也言佛肸已畔已雖往如彼不善何也。注晉大夫趙簡子之邑宰。正義曰佛肸是范中行邑宰見孔子世家此當出安國舊義今此孔注以爲趙簡子邑宰與彼文不合其僞顯然

曰然有是言也不曰堅乎磨而不磷不曰白乎涅而不緇

注孔曰磷薄也涅可以染皂言至堅者磨之而不薄至白

者染之於涅而不黑喻君子雖在濁亂濁亂不能污吾豈

匏瓜也哉焉能繫而不食注匏瓠也言匏瓜得繫一處者

正義曰不曰堅乎句上皇本有曰字繼史世家作濫  
新語道基篇論衡問孔篇文選座右銘注亦作濫阮

磨同鄰當磷之畋借校勘記及翟氏灝考異桂氏馥羣經

義證馮氏登府異文攷證引漢費鳳別碑渥而不滓廷尉

仲定碑而不宰校尉熊君碑後漢書隗囂轉賢者泥而

列傳有云皚然泥而不滓者也後漢書明儒傳賢者汎而

不滓與三碑略同皆是滯而不絀異文書涉筆疏引  
少主呈之具黑大載體曾子制言篇滯作泥是滯泥

白沙通之俱黑大戴禮曾子制言篇而食者糞往

二而字得通。祿也。此證。非經旨。注云。我注。非。磷。薄。也。涅。可以。染。皂。正。義。

曰仕廣而雅得福也此尹紱言注疏證考古記鮑人雖徹不

鄭廣駁注云輒故書或作鄰鄭司農云鄰讀爲磨而不磷之

磷磷  
 鄰並  
 通禩  
 經傳  
 皆通  
 作薄  
 方言  
 涅化  
 也燕  
 朝鮮  
 冽

水之礪間礪曰礪涅說文涅黑土在水中也是涅乃黑土用以染

物故方言以涅訓化漢書敘傳引此文顏注涅汚泥凡可

以染早以汚泥當黑土辭之誤也焦氏循補疏孔謂可以

染阜者淮南齊俗訓云素之質白染之以涅則黑倣真訓云今以涅染緇則黑于涅高誘注云涅礬石也西山經女牀之山其陰多石涅郭注云卽礬石也楚人名爲涅石素人名爲羽涅也神農本草經礬石一名羽礬卽涅也其可以染阜蓋指今之阜礬。注礬礬至一處。正義曰詩苑有苦葉傳苑謂之礬說文苑礬也一物二名言苑瓜者苑亦瓜類也詩傳又云礬葉苦不可食也陸機詩疏謂苑葉先甘後苦王氏念孫廣雅疏證謂苑有甘苦二種苑甘者葉亦甘礬苦者葉亦苦甘者可食苦者不可食又引北方農人謂礬之甘者次年或變爲苦以陸氏先甘後苦之說爲非如王之言是此云不可食者謂苑瓜之苦者也魯語云苦苑不材於人其濟而已韋昭云材讀若裁也不裁於人言不可食也是也苑瓜以不食得繫滯一處王粲登樓賦懼苑瓜之空懸畏井渫之不食空懸卽謂懸繫也韋昭解魯語其濟謂佩苑可以渡水自是釋彼文宜然或遂援以解論語謂繫卽繫以渡水則已有用於人於取譬之旨不合矣皇疏又載一通云苑瓜星名也言人有材智宜佐時理務爲人所宜得如苑瓜繫天而不可食耶黃震日鈔云臨川應抑之天文圖有苑瓜星其下注引論語正指星而言蓋星有苑瓜之名徒繫於天而不可食止與維

南有箕不可簸揚維北有斗不可挹酒漿同義今案匏瓜  
星名見史記天官書此義亦通吾自食物者言吾當如可  
食之物與匏瓜異也當東西南北者言人當志在  
四方也檀弓引夫子云今正也東西南北之人也

子曰由也女聞六言六蔽矣乎注六言六蔽者謂下六事仁

知信直勇剛也對曰未也居吾語女注孔子曰子路起對故

使還坐好仁不好學其蔽也愚好知不好學其蔽也蕩注

孔曰仁者愛物不知所以裁之則愚蕩無所適守好信不

好學其蔽也賊注孔子曰父子不知相爲隱之輩好直不好

學其蔽也絞好勇不好學其蔽也亂好剛不好學其蔽也

狂注孔子曰狂妄抵觸人正義曰六言六蔽是古成語夫子

也荀子解蔽注蔽言不能通明滯于一隅如有物壅蔽之  
也戴氏震孟子字義疏證人之血氣心知本乎陰陽五行



者性也如血氣資飲食以養其化也即爲我之血氣非復  
所飲食之物矣心知之資於問學其自得之也亦然以血  
氣言昔者弱而今者廣大昔者闇昧而今者明察是心知  
者狹小而今者廣而大昔者闇昧而今者明察是心知  
其養也故曰雖愚必明案六言皆心知之善而不好學皆  
有所蔽故荀子勸學云君子博學而參省乎己則知明而  
行無過矣即謂學能祛蔽也管子同紀聞大人之所以言  
不必信者惟其爲學而知義所在也苟好信不好學則惟  
知重然諾而不明事理之是非謹厚者則硜硜爲小人苟  
又挾以剛勇之氣必如周漢刺客游俠輕身殉人杆文網  
而犯公義自聖賢觀之非賊而何哉案前篇云直而無禮  
則絞下章云君子有勇而無義爲亂與此言好直好勇之  
蔽同蓋禮義皆須學以成也皇本山下無也字居上有曰  
字。注子路起對故使還坐。正義曰凡尊長問己己將  
答之皆起離席以中敬也對畢就坐若未畢尊長命之坐  
則坐。注仁者至適守。正義曰仁者不好學則不知裁  
度或至愛無差等也知者不好學多妄自用不能據德依  
仁故無所適守。注狂妄抵觸人。正義曰說文抵側擊  
也觸抵也抵與抵同剛者性  
廣直其言行多抵觸人也

子曰小子何莫學夫詩

注包曰小子門人也詩可以興

注孔曰興引譬連類可以觀

注鄭曰觀風俗之盛衰可以羣

注孔曰羣居相切磋可以怨

注孔曰怨刺上政邇之事父遠

正義曰學

父事君者荀子言詩故而不切其依違諷諫不指切事情故言者無罪聞者足戒詩序言正得失動天地感鬼神莫近於詩先王以是經夫婦成孝敬厚人倫美教化移風俗明詩教有益故學之可事父事君也焦氏循毛詩補疏序夫詩溫柔敦厚者也不質直言之而比興言之不言理而言情不務勝人而務感人自理道之說起人各挾其是非以逞其血氣激濁揚清本非謬戾而言不本於情性則聽者厭倦至於傾軋之不己而忿毒之相尋以同為黨即以比為爭甚而假宮闈廟祀儲貳之名動輒千百人哭於朝門自鳴忠孝以激其君之怨害及其身禍於其國全失乎所以事君父之道余讀明史每歎詩教之亡莫此為甚案焦說甚通說文鳥長尾禽總名也爾雅釋鳥云二足而羽

謂之禽四足而毛謂之獸鳥獸草木所以貴多識者人飲  
食之宜醫藥之備必當識別匪可妄施故知其名然後能  
知其形知其性爾雅於鳥獸草木皆專篇釋之而神農本  
草亦詳言其性之所宜用可知博物之學儒者所甚重矣  
○注興引譬連類。正義曰周官大師教六詩曰風曰賦  
曰比曰興曰雅曰頌注賦之言鋪直鋪陳今之政教善惡  
比見今之失不敢斥言取比類以言之興見今之美嫌於  
媚諛取善事以喻勸之鄭司農云比者比方於物也興者  
託事於物案先鄭解比興就物言後鄭就事言互相足也  
賦比之義皆包於興故夫子止言興與毛詩傳言興百十有  
六而不及賦比亦此意也此注言引譬者謂譬喻於物也  
學記云不學博依不能安詩注博依廣譬喻也即此引譬  
之義也言連類者意中兼有賦比也。注觀風俗之盛衰  
○正義曰謂學詩可論世也詩序云治世之音安以樂其  
政和亂世之音怨以怒其政乖亡國之音哀以思其民困  
世治亂不同音亦隨異故學詩可以觀風俗而知其盛衰  
若吳季札觀樂最著也。注羣居相切磋。正義曰焦氏  
循補疏案詩之教溫柔敦厚學之則輕薄嫉忌之習消故  
可以羣居相切磋。注怨刺上政。正義曰鄭注云怨謂  
刺上政此僞孔所本廣雅釋詁譏諫怨也諷刺同凡君親

有過諫之不從不能無怨孟子所謂親親之義也然必知  
比興之道引譬連類而不傷於徑直故言易入而過可改  
也子謂伯魚曰女爲周南召南矣乎人不爲周南召南  
其猶正牆面而立也與注馬曰周南召南國風之始樂得

淑女以配君子三綱之首王教之端故人而不爲如向牆

而立正義曰皇本召作邵周南召南者謂周公召公分郊

於鄉人所得南國之詩也不主一國故總繫焉二南之詩用

其義說以循行之故稱爲也竊又意二南皆言夫婦之道

爲王化之始故君子反身必先修諸己而後可刑于寡妻

至于兄弟以御于家邦漢書匡衡傳謂室家之道修則天

下之理得卽此義也時或伯魚授室故夫子特舉二南以

訓之與注周南至而立。正義曰二南亦是國風以列

在前故言國風之始淑女謂大姒君子謂文王也關雎序

云周南召南正始之道王化之基是以關雎樂得淑女以

配君子注言此者見二南多言德化之所及其致治之本

則在關雎故舉淑女配君子以爲言也三綱者謂君臣父

子夫婦也後漢荀爽傳臣聞有夫婦然後有父子有父子然後有君臣有君臣然後有上下有上下然後有禮義禮義備則人知所厝矣夫婦人倫之始王化之端故文王作易上經首乾坤下經首咸恒毛詩關雎傳亦云夫婦有別則父子親父子親則君臣敬君臣敬則朝廷正朝廷正則王化成是夫婦為三綱之首王教之端也向牆而立者訓正為向與正南面之正同向牆面之而立言不可行也孟子謂身不行道不行於妻子漢匡衡傳謂福之興莫不本乎室家道之衰莫不始乎梱內並此意

子曰禮云禮云玉帛云乎哉注鄭曰玉圭璋之屬帛束帛之

屬言禮非但崇此玉帛而已所貴者乃貴其安上治民樂

云樂云鐘鼓云乎哉注馬曰樂之所貴者移風易俗非謂

鐘鼓而已正義曰說文鐘樂鐘也秋分之音物種成白虎通五行篇鐘者動也言陽氣於黃泉之下動養

萬物也皇本鐘作鍾鍾者酒器經傳二文多通用荀子大略篇聘禮志曰幣厚則傷德則侈則殄禮禮云禮云玉帛

云乎哉是言禮不重玉帛也漢書禮樂志樂呂治內而爲  
同禮曰修外而爲異同則和親異則畏敬畏敬之意難見  
則著之於享獻辭受登降跪拜和親之說難形則發之於  
詩歌詠言鐘石筦弦蓋嘉其敬意而不及其財賄美其歡  
心而不流其聲音故孔子曰禮云禮云玉帛云乎哉樂云  
樂云鐘鼓云乎哉此禮樂之本也案此謂敬爲禮本和爲  
樂本也禮記仲尼燕居云師爾以爲必行綴兆興羽籥作  
鐘鼓然後謂之樂乎言而履之禮也行而樂之樂也亦與  
此章義相發皇疏引繆播曰玉帛禮之用非禮之本鐘鼓  
樂之器非樂之主假玉帛以達禮禮達則玉帛可忘借鍾  
鼓以顯樂樂顯則鍾鼓可遺以禮假玉帛於求禮非深乎  
禮者也以樂託鍾鼓於求樂非通乎樂者也注玉圭至治  
民也正義曰周官典瑞云琮圭璋璜以類聘主以聘君璋  
以聘夫人璧琮以享皆瑞玉也注偏舉圭璋故云屬以兼  
之說文帛繒也鄭注尚書云帛所以薦玉也聘禮釋幣制  
立纁束注云凡物十曰束立纁之率立居三纁居二朝貢  
禮云制丈八尺疏云制謂舒之長短雜記云納幣一束束  
五兩兩五尋然則每卷二丈若作制幣者每卷丈八尺爲  
制合卷爲匹也胡氏培翬正義謂雜記是言昏禮納徵束

帛用二丈取成數其他禮幣皆以一丈八尺為節也案帛亦言屬者據聘禮束帛之外又有錦紡鄭此注意兼有之也孝經廣要道章安上治民莫善於禮此鄭所本。注樂之至而已。正義曰孝經云移風易俗莫善於樂亦馬所本鄭注云言樂不但崇此鐘鼓而已

子曰色厲而內荏

注

孔曰荏柔也謂外自矜厲而內柔佞

諸小人其猶穿窬之盜也與

注

孔曰為人如此猶小人之

有盜心穿穿壁窬窬牆

正義曰說苑修文篇顧孫子莫曰去爾外厲曾子曰外厲者必內折

內折與內荏同義釋文穿踰本又作窬此誤依孔義改經文作踰陸所見本已然也先伯父五河君經義說畧儒行筆門圭竇鄭注圭竇門窬窬也穿牆為之釋文圭竇說文云穿木戶也郭璞三蒼解詁云門窬小竇也此則鄭本作竇陸本作窬玉篇引禮記及左傳並作圭竇今左傳亦作圭竇是知窬與竇通說文竇空也窬下曰一曰空中也窬是穿木戶亦取空中之義故凡物之取於空中者皆得為窬淮南汜論訓古者為窬木方版以為舟航高誘曰窬空

也是也窬與廂同孟康漢書注曰東南謂鑿木空中如曹  
曰廂是也此穿窬猶言穿戶與踰牆之踰不同孟子穿窬  
亦此解謹案臧氏庸拜經日記畧同漢書胡建傳黃帝李  
法曰壁壘已定穿窬不繇路是謂姦人姦人者殺此在軍  
律尤嚴也。注在柔也。正義曰漢書翟方進傳引此文  
應劭注在屈撓也詩巧言在染柔木毛傳在染柔意也說  
文集弱貌集與在通廣雅釋詁恁弱也。注穿穿壁窬窬  
牆。正義曰說文穿通也從牙在穴中壁即牆也云窬窬  
牆者謂窬即踰之段借孔注本亦是窬字不作踰也  
或謂偽孔亦解窬為空則與穿壁義複孔意不如是

子曰鄉原德之賊也

注周曰所至之鄉輒原其人情而為意

以待之是賊亂德也一曰鄉向也古字同謂人不能剛毅

而見人輒原其趣嚮容媚而合之言此所以賊德也正義曰孟

子盡心篇云孟子答萬章問引孔子曰過我門而不入我  
室我不憾焉者其惟鄉原乎鄉原德之賊也此孟子述所  
聞語較詳曰何如斯可謂之鄉原矣曰何以是嚶嚶也言  
不願行行不願言則曰古之人古之人行何為踽踽涼涼



生斯世也為斯世也善斯可矣闕然媚於世也者是鄉原也此孟子言鄉原異於狂狷也萬子曰一鄉皆稱原人焉無所往而不為原人孔子以為德之賊何哉曰非之無舉也刺之無刺也同乎流俗合乎污世居之似忠信行之似廉潔眾皆說之自以為是而不可與入堯舜之道故曰德之賊也孔子曰惡似而非者惡莠恐其亂苗也惡佞恐其亂義也惡利口恐其亂信也惡鄭聲恐其亂樂也惡紫恐其亂朱也惡鄉原恐其亂德也趙岐注萬章言人皆以為其亂未也惡鄉原恐其亂德也趙岐注萬章言人皆以為原善所至亦謂之善人是趙訓原為善前篇侗而不愿鄭注愿善也原與愿同中論考偽篇鄉愿無殺人之罪而仲尼深惡之字直作愿與趙訓同矣一鄉皆稱善而其忠信廉潔皆是假託故足以亂德所謂色取仁而行違者也子貢問鄉人皆好夫子以為未可亦是恐如鄉原者在其中也。注所至至德也。正義曰注前讀鄉如字後讀鄉與向同其解原字並謂原人之情與孟子不合蓋未然也

子曰道聽而塗說德之棄也

注馬曰聞之於道路則傳而說

之正義曰此為闕於大道不知審擇者戒也荀子大畧篇之君子疑則不言未問則不立道遠曰盍矣楊倞注未曾

學問不敢立爲論議所謂不知爲不知也爲道久遠自日有所益不必道聽塗說也。注聞之於道路則傳而說之。正義曰皇疏云記問之學不足以爲人師師人必當溫故而知新研精久習然後乃可爲人傳說耳若聽之於道路道路乃卽爲人傳說必多謬妄所以爲有德者所棄也亦自棄其德也案注傳而說之卽言說之說釋文於塗說無音於注說之音悅此不可解

子曰鄙夫可與事君也與哉注孔曰言不可與事君其未得

之也患得之注患得之患不能得之楚俗言既得之患失

之苟患失之無所不至矣注鄭曰無所不至者言其邪媚

無所不爲正義曰釋文與哉本或作無哉得之失之者

是也謂祿位也鄙夫患不得祿位則有貨緣干

進之術既得而又患失則益思固其祿位而不敢正言直

諫以取媚人主招權納賄以深病民漢書朱雲傳今朝廷

大臣上不能匡主下不能益民皆尸位素餐孔子所謂鄙夫不可與事君苟患失之亡所不至者也又後漢李法傳

法上疏諫坐失旨免爲庶人還鄉里人問其不合上意之由法未嘗應對固問之法曰鄙夫可與事君乎哉苟患失之無所不至正以已無患失之心遂上疏諫致罷免耳是與鄙夫異也若然禮雜記云既得之而又失之君子恥之與鄙夫所患同者君子恥不稱其位而失之與鄙夫思固其位之志殊也先伯父五河君經義說略曰自色厲而內荏至鄙夫凡四章語意大畧相同皆言中不足而外有餘蓋貌爲有德則色厲而陰實小人故內荏貌爲好學則道聽而中無所守故塗說是故居則爲鄉愿出則爲鄙夫欺世盜名之徒其害可勝言哉。注言不可與事君。正義曰注以與爲我與之也王氏引之經傳釋詞解此文云與猶以也下文患得患失皆言鄙夫所以不可事君之故非謂不可與鄙夫事君也顏師古匡謬正俗曰孔子曰鄙夫可以事君也與哉李善注文選東京賦曰論語曰鄙夫不可以事君變與言以正與經旨相合。注患得之者患不能得之楚俗言。正義曰臧氏琳經義雜記古人之言多氣急而文簡如論語其未得之也患得之以得爲不得猶尚書以可爲不可焦氏循補疏古人文法有急緩不顯顯也此緩讀也公羊傳如勿與而已矣何休注云如卽不如也齊人語也此急讀也以得爲不得猶以如爲不如何云

楚俗語孔子魯人何爲效楚言也今案荀子子道篇孔子曰小人者其未得也則憂不得既已得之又恐失之是以有終身之憂無一日之樂也潛夫論愛日篇孔子病夫未得之也患不得之又毛氏奇齡贍言引家語忠弗得之皆以訓詁增成其義韓愈王承福傳其賢於患不得之而患失之以濟其生之欲者亦此意沈作誥寓簡據王承福傳謂古本必如是此未達古人立文之法。注無所不至者言其邪媚無所不爲。正義曰鹽鐵論語俳篇君子疾鄙夫之不可與事君患其聽從而無所不至也聽從者無所匡正但知保其祿位故必至邪媚無所不爲也後漢李法傳注引此注邪媚

上多諂佞二字

子曰古者民有三疾今也或是之亡也注包曰言古者民疾

與今時異古之狂也肆注包曰肆極意敢言今之狂也蕩

注孔曰蕩無所據古之矜也廉注馬曰有廉隅今之矜也

忿戾注孔曰惡理多怒古之愚也直今之愚也詐而已矣

正義曰朱子集注云氣失其平則爲疾故氣稟之偏者亦謂之疾昔所謂疾今亦匹之傷俗之益衰也鄭注云魯讀廉爲貶今從古陳氏鱣古訓曰貶自貶損也釋名云廉自檢歛也貶廉義同案陳說固是然廉字義勝故鄭從古宋氏翔鳳發微云狂也矜也愚也皆氣質之偏古所謂疾也有肆以救狂有廉以救矜有直以救愚是不失爲古之疾也蕩則失其所謂狂忿戾則失其所謂矜詐則失其所謂愚此古但爲人疾而今遂至於死匹人情日變風俗日漓聖人所爲明禮樂以救之與○注肆極意敢言○正義曰孟子盡心下言狂者云其志嚶嚶然曰古之人古之人夷考其行而不掩焉者也趙岐注嚶嚶志大言大者也重言古之人欲慕之也志大言大卽此注所云極意敢言也○注蕩無所據○正義曰據卽據於德之據無所據則自放禮法之外若原壤者也○注有廉隅○正義曰說文廉仄也仄與側同漢書賈誼傳廉遠地則堂高注廉側隅也荀子不苟篇廉而不剝注廉稜也義俱相近○注惡理多怒也○正義曰注以惡理訓戾多怒訓忿說文戾曲也字林戾乖戾也乖戾則多違理故注云惡理

子曰惡紫之奪朱也○注孔曰朱正色紫間色之好者惡其邪

好而奪正色惡鄭聲之亂雅樂也注包曰鄭聲淫聲之哀

者惡其奪雅樂惡利口之覆邦家者注孔曰利口之人多

言少實苟能說媚時君傾覆國家正義曰皇本者作也孟子盡心下引孔子此言

惡莠恐其亂苗也要佞恐其亂義也惡利口恐其亂信也惡鄭聲恐其亂樂也惡紫恐其亂朱也惡鄉原恐其亂德也較此文為詳而總之云惡似而非者趙岐注似真而非

真者孔子之所惡也注朱正至正色也正義曰說文云朱赤心木趙岐孟子注亦云朱赤也儀禮士冠禮注凡染

絳一入謂之緇再入謂之赭三入謂之纁朱則四入與朱絳一入謂之緇再入謂之赭三入謂之纁朱則四入與朱

為正色者考工記畫績之事東方青南方赤西方白北方黑赤是朱居南方之正故為正色也紫為間色者鄉黨皇

疏引穎子嚴云北方水水色黑水剋火火色赤以黑加赤

故為紫紫為北方間也釋名釋采帛紫疵也非正色也五色之疵瑕以惑人者是紫為間色以黑加赤稍有赤故

與朱亂也云問色之好者以時尚紫知色好也困學紀聞周衰諸侯服紫玉藻云玄冠紫綬自魯桓公始管子云齊桓公好服紫衣齊人尚之五素易一紫皆周衰之制也江

氏永鄉黨圖考又引渾良夫紫衣僭君服是當時好服紫  
矣夫子以紫奪朱惡之非謂其間色也若他間色紅綠碧  
緇之類皆得用之。注利口至國家。正義曰鄭注云疾  
時利口多言少實也此偽孔所襲多言少實是其言不由  
中但務為說媚而已中論覈辨篇且利口者心足以見小  
數言足以盡巧辭給足以應切問難足以斷俗疑然而好  
說而不倦謀謀如也夫類族辨物之士者寡而愚闇不達  
之人者多孰知其非乎此其所以無用而不見廢也至賤  
而不見遺也先王之法析言破律亂名改作者殺之行僻  
而望言偽而辨記醜而博順非而澤者亦殺之為其疑眾  
惑民而潰亂至道也孔子曰  
巧言亂德惡似而非者也

子曰予欲無言注言之為益少故欲無言子貢曰子如不言

則小子何述焉子曰天何言哉四時行焉百物生焉天何

言哉

正義曰皇疏引王弼曰子欲無言蓋欲明本舉本統末而示物於極者也夫立言垂教將以通性而弊至

於湮寄旨傳辭將以正邪而勢至於繁既求道中不可勝御是以修本廢言則天而行化案夫子本以身教恐弟子

徒以言求之故欲無言以發弟子之悟也詩日月報我不  
述毛傳述循也言弟子無所遵行也鄭注云魯讀天爲夫  
今從古鄭以四時行百物生皆說天不當作夫故定從古  
翟氏灝考異謂兩句宜有別上句從魯論爲勝誤也四時  
行者謂春夏秋四時相運行也春秋繁露四時之副篇  
天之道春暖以生夏暑以養秋清以殺冬寒以藏暖暑清  
寒異氣而同功皆天之所以成歲也又人副天數篇春生  
夏長百物以興秋殺冬收百物以藏是百物之生隨四時  
爲興藏也詩文王云上天之載無聲無臭載者事也天不  
言而事成故無聲無臭也禮哀公問篇孔子云無爲而物  
成是天道也已成而明是天道也荀子天論篇列星隨旋  
日月遞炤四時代御陰陽大化風雨博施萬物各得其和  
以生各得其養以成不見其事而見其功夫是之謂神皆  
知其所以成莫知其無形夫是之謂天案聖人法天故大  
易咸取爲象夫子易傳特發明之故曰大人者與天地合  
其德與日月合其明與四時合其序與鬼神合其吉凶先  
天而天弗違後天而奉天時其教人也亦以身作則故有  
威可畏有儀可象亦如天道之自然循行望之而可知儀  
之而可得固不必諄諄然有話言矣。注言之爲益少。  
正義曰夫子欲訥於言而敏於行故恐徒言之則爲益少。



也

孺悲欲見孔子孔子辭以疾將命者出戶取瑟而歌使之聞

之注孺悲魯人也孔子不欲見故辭之以疾爲其將命者

不知己故歌令將命者悟所以令孺悲思之正義曰釋文

此俗體禮雜記云恤由之喪哀公使孺悲之孔子學士喪

禮士喪禮於是乎書是孺悲實親學聖門而孔子不見之

者此欲見是始來見尙未受學時也儀禮士相見禮疏謂

孺悲不由紹介故孔子辭以疾此義當出鄭注御覽四百

二引韓詩外傳云子路曰聞之於夫子士不中間而見女

無媒而嫁者非君子之行也注云中間謂介紹也禮少儀

云聞始見君子者辭曰某固願聞名於將命者不得階主  
此少者見尊長之禮當有介紹聘義所謂君子於其所尊  
弗敢質敬之至也是也鄭注又云將命傳辭者此指主人  
之介傳主人辭者也戶室戶也古人燕居在室中卽見賓  
亦然取瑟而歌謂取瑟鼓之而復倚聲以歌也皇本辭下  
有之字。注爲其至思之。正義曰不知己邢本脫知字

已誤已此從皇本補正將命者悟知其非疾必亦告之孺悲令孺悲自思其失禮而改之也

宰我問三年之喪期已久矣君子三年不為禮禮必壞三年不為樂樂必崩舊穀既沒新穀既升鑽燧改火期可已矣

注馬曰周書月令有更火之文春取榆柳之火夏取棗杏

之火季夏取桑柘之火秋取柞櫟之火冬取槐檀之火一

年之中鑽火各異木故曰改火也

正義曰三年喪期鄭君以為二十七月王肅以

為二十五月儀禮士虞禮云朞而小祥又朞而大祥中月而禫是月也吉祭猶未配注中猶間也與大祥間一月自喪至此凡二十七月胡氏培輩正義三年之喪二十五月而大祥二十七月而禫猶期之喪十三月而大祥十五月而禫皆與大祥間隔一月也檀弓曰祥而縗是月禫徙月樂祥而縗謂二十五月也是月禫二十七月也徙月樂二十八月也戴德喪服變除禮云二十五月大祥二十七月而禫白虎通云二十七月而禫通祭宗廟去喪之殺也自

王肅誤讀祥而縞是月禫之文以禫亦在二十五月祥禫  
同月又以士虞禮中月而禫爲月中而禫謂在祥月之中  
與鄭異說非也案二十五月之說見禮三年問及公羊閔  
二年傳或彼文止據大祥爲再期未數禫月也梁氏玉繩  
警記閔二年吉禘于莊公傳云議始不三年也文二年公  
子遂如齊納幣傳云議喪娶也蓋周衰禮廢三年之喪久  
已不行論語宰我問三年喪疏引繆協謂宰我思啟憤於  
夫子以戒將來義在屈已明道此解極確與齊宣王欲短  
喪不同案詩素冠序刺不能三年也檜爲鄭武公所滅此  
詩當作於平王之世又公羊哀五年經秋九月癸酉齊侯  
處臼卒六年傳秋七月除景公之喪是三年之喪當時久  
不行故滕文公問孟子定爲三年之喪而父兄百官皆不  
欲且云吾宗國魯先君莫之行吾先君亦莫之行魯先君  
則文公以來之謂也然檀弓言子夏閔子騫皆三年喪畢  
見於夫子是聖門之徒皆能行之宰我親聞聖教又善爲  
說辭故舉時人欲定親喪爲期之意以待斥於夫子其謂  
君子三年不爲禮禮必壞三年不爲樂樂必崩此亦古成  
語謂人久不爲禮樂則致崩壞非爲居喪者言而當時短  
喪者或據爲口實故宰我亦直述其語不爲諱隱也期已  
久矣期讀如其釋文云期音基下同一本作其一本是也

其已久矣謂三年太久史記弟子列傳作不已久乎可證也下文期可已矣方讀如基與期已久矣之期文同義異盧氏文弼攷證反疑其爲莽之誤非也說文云穀續也百穀之總名沒盡也鄭注云升成也言舊穀已盡新穀已成明期是周歲天道將復始也燧者左文十年傳命夙駕載燧杜注燧取火者禮內則事佩有木燧金燧鄭注木燧鑽火也金燧可取火於日考工記斬人鑿燧之齊鄭注鑿燧取水火於日月之器也此卽金燧之制與木燧名同世本云造火者燧人因以爲名也周氏柄中典故辨正鑽燧之法書傳不載揭子宣璠璣遺述云如榆剛取心一段爲鑽柳剛取心方尺爲盤中鑿眼鑽頭大旁開寸許用繩力牽如卑鑽則火星飛爆出寶薄煤成火矣此卽莊子所謂木與木相摩則燃者古人鑽燧之法意亦如此今案揭說頗近理若然則春取榆柳者正用兩木一爲鑽一爲燧也其聚杏桑柘意亦然矣徐氏頌改火解改火之典昉於上古行於三代迄於漢廢於魏晉以後復於隋而仍廢尸子曰燧人上觀星辰察五木以爲火故曰昉於上古也周監二代周禮司燿行火之政令故曰行於三代也漢武帝時別置火令丞中興省之然續漢志曰冬至鑽燧改火故曰迄於漢隋王劭以改火之義近代廢絕引東晉時有以雒

陽火渡江者世世事之非見紺於魏晉後乎隋文從劭請而復之然其後不見踵行者蓋視爲具文而已故曰復於隋而仍廢者也案周官司燿云四時變國火以救時疾管子禁藏篇鑽燧易火所以去茲毒也蓋四時之火各有所宜若春用榆柳至夏仍用榆柳便有毒人易以生疾故須改火以去茲毒卽是以救疾也。注周書至火也。正義曰周書月令篇今亡漢書藝文志周書七十一篇劉向云周時諸誓號令蓋孔子所論百篇之餘周禮司燿疏引鄭此注周書曰云云與馬注同漢人皆見周書則隋書經籍志繫之汲冢謂與竹書並出晉世誤也先鄭司燿注引鄭子同亦本周書榆柳棗杏桑柘柞櫟槐檀皆木名說文柘桑也疑柘是桑之屬又說文柘下云柘木出發鳩山而北山經發鳩之山其上多柘木則柘柘通也此木今不知所指鄭詩箋云柞櫟也櫟今之阜斗陸機引三蒼櫟卽柞也爾雅釋木械白桺郭注以爲小木叢生二說各異然高誘注淮南時則訓云木不出火惟櫟爲然則以柞爲械近之矣說文櫟柔木也工官以爲栗輪郭注中山經又云櫟剛木也中車材段氏玉裁說文注謂此木堅韌故剛柔異稱而同實是也皇疏云榆柳色青春是木木色青故春用榆柳也棗杏色赤夏是火火色赤故夏用棗杏也桑柘色黃

季夏是土土色黃故季夏用桑柘也柘櫨色白秋是金色白故秋用柞櫨也槐櫨色黑冬是水水色黑故冬用槐櫨也案淮南時則訓春爨其燧火夏秋爨柘燧火冬爨松燧火此與周書不同又天文訓云冬至甲子受制木用事火烟青七十二日戊子受制土用事火烟黃七十二日庚子受制金用事火烟白七十二日丙子受制火用事火烟赤七十二日壬子受制水用事火烟黑七十二日其於土先於金金先於火周氏柄中以董子繁露證之木令後當次於火火令後當次土今文錯誤其說甚確管子幼官篇又云春以羽獸之火爨夏以毛蟲之火爨秋以介蟲之火爨冬以鱗蟲之火爨中央以裸蟲之火爨周氏柄中云月令春其蟲鱗夏其蟲羽秋其蟲毛冬其蟲介蓋冬至後改春火春其蟲鱗而時則猶冬也故曰冬以鱗獸之火爨其實木用事乃春火也由此推之春改夏火夏其蟲羽故曰春以羽獸之火爨夏改秋火秋其蟲毛故曰夏以毛獸之火爨秋改冬火其蟲介故曰秋以介蟲之火爨月令以四時之正言管子以改子曰食夫稻衣夫錦於女安乎曰安女火之始言故異耳

安則爲之夫君子之居喪食旨不甘聞樂不樂居處不安

故不爲也今女安則爲之注孔曰旨美也實其無仁恩於

親故再言女安則爲之宰我出子曰子之不仁也子生三

年然後免於父母之懷注馬日子生未三歲爲父母所懷

抱夫三年之喪天下之通喪也注孔曰自天子達於庶人

子也有三年之愛於其父母乎注孔曰言子之於父母欲

報之德昊天罔極而子也有三年之愛乎正義曰說文稻

方以稻爲穀之貴者故居喪不食之也儀禮喪服傳言居

喪既虞食蔬食水飲既練始食菜果飯素食練者小祥之

祭鄭彼注云蔬猶麤也素猶故也謂復平生時食也程氏

瑤田蔬食素食說云蔬食者稷食也不食稻粱黍也素食

鄭云復平生時食謂黍稷也賤者食稷然豐年亦得食黍

若稻粱二者據聘禮公食大夫禮皆加饌非平生常食居

喪更何忍食故夫子斥宰我曰食夫稻于女安乎是雖既

練飯素食亦必不食稻粱宜止於黍稷也詩碩人箋錦文

衣也終南傳錦衣采色也錦是有文采之衣謂几朝祭服以帛爲之者也檜詩刺不能三年而云庶見素冠素衣素冠練冠也禮檀弓云練練衣黃裏緇緣間傳云期而小祥練冠緇緣又期而大祥素緇麻衣注云麻衣十五升布深衣也謂之麻者純用布無采飾也陳氏負毛詩疏小祥大祥皆用麻衣大祥之麻衣配練冠是未終喪皆服麻衣無采飾則不得衣錦可知皇本稻下錦下有也字汝安則爲之句上有曰字說文甘美也詩多言旨酒此文食旨兼凡飲食言之喪大記云祥而食肉謂大祥也開傳云期而大祥有醯醬有醢醬者明始得食肉也又云中月而禫禫而飲醴酒始飲酒者先飲醴酒始食肉者先食乾肉則自小祥後但得食菜果飯素食而醢醬食肉必待至大祥之後飲醴酒必待至禫之後則小祥後不得食旨明矣喪大記祥而外無哭者禫而內無哭者樂作矣故也檀弓云祥之日鼓素琴則自大祥之前不與於樂故曲禮云居喪不言樂是也居處謂居常時之處也問傳云父母之喪居倚廬寢苦枕塊不說經帶既虞卒哭柱槨翦屏芟翦不納期而小祥居室寢有席又期而大祥居復寢中月而禫禫而小祥居聖室寢有席與間傳言寢有席在小祥之後稍異又喪服傳言既練舍外寢注云



舍外寢於中門之外所謂聖室也則鄭以喪服傳與問傳合也又喪大記既練居聖室既祥黝聖禱而從御吉祭而復寢復寢在禫後與問傳在大祥後又稍異以理衡之當以大記爲備也禮問喪云夫悲哀在中故形變於外也痛疾在心故口不甘味身不安美也孝經喪親章服美不安聞樂不樂食旨不甘此哀慼之情也不仁者言不愛父母是不仁也故又曰子也有三年之愛於其父母乎言無有也大戴禮盛德篇凡不孝生於不仁愛也不仁愛生於喪祭之禮不明喪祭之禮所以教仁愛也致愛故能致喪祭卽此義也漢石經於其父母下無乎字當誤脫。注曰美也。正義曰說文同。注子生未三歲爲父母所懷抱。正義曰說文裏袂也袂裏也今字作懷作抱皆假借字夢莪詩云父兮生我母兮鞠我拊我畜我長我育我顧我復我出入腹我。注自天子達於庶人。正義曰禮三年間引論語此文通喪作達喪注達謂自天子至於庶人此孔所本禮中庸云父母之喪無貴賤一也。注欲報之德昊天罔極。正義曰詩夢莪文注引此者見三年之喪亦是思報德也

子曰飽食終日無所用心難矣哉注馬曰爲其無所據樂善

生淫欲**不有博弈者乎爲之猶賢乎已**正義曰孟子告子

則得之不思則不得也思者思理義也無所用心則於理

義皆不知思其不說學可知難者言難以成德也孟子告

子篇今夫弈之爲數小數也不專心致志則不得也是博

弈皆用心也賢者勝也已者止也博弈之人知用其心若

作他事當亦用心故視無所用心者爲勝也荀子脩身篇

倫儒憚事無廉恥而嗜乎飲食則可謂惡少者矣偷儒憚

事卽無所用心之人也博者說文簿局戲也六箸十二基

也方言簿謂之蔽或謂之箇秦晉之間謂之簿吳楚之間

或謂之蔽或謂之箭裏或謂之簿毒或謂之兜專或謂之

厚或謂之基與博同荀子大略篇六或之博楊倞注

六或之博卽六博也王逸注楚辭云投六箸行六基故曰

六博今之博局亦二六相對也西京雜記許博昌善陸博

法用六箸以竹爲之長六分或用二箸列子說符篇釋文

引六博經云博二人相對坐向局局分爲十二道兩頭當

中名爲水用基十二枚法六白六黑又用魚二枚置於水

中其擲采以塤爲之二名牽魚每一牽魚獲二籌翻一魚

獲三籌若已牽兩魚而不勝者名曰被翻雙魚彼家獲六

籌爲大勝也弈者說文云弈圍棋也文選博弈論注引卽

卿消藝經曰：碁局縱橫各十七道，合二百八十九道。白黑碁子各一百五十枚。焦氏循：孟子正義博蓋卽今之雙陸。弈爲圍碁，以其局同，用板平承於下，則皆謂之枰。以其同行於枰，皆謂之碁。上高而銳如箭，亦如箸。今雙陸碁俗謂之鍵，尙可攷見其狀。故有箭箸之名。今雙陸枰上亦有水門，其法古今有不同。如弈古用二百八十九道，今則用三百六十一道，亦其例也。蓋弈但行碁博，以擲采而後行碁。後人不行碁而專擲采，遂稱擲采爲博。博與弈蓋遠矣。注爲其無所據，樂善生淫欲。正義曰：不用心則無所據，依以樂善，旣不樂善，則自生淫欲。魯語：敬姜曰：夫民勞則思，思則善，心生逸則淫淫。則惡善，惡善則惡心生。

子路曰：君子尚勇乎？子曰：君子義以爲上，君子有勇而無義

爲亂，小人有勇而無義爲盜。

正義曰：尙上義同，故二文並用。義以爲上者，言以義勇爲

上也。禮聘義云：有行之謂有義，有義之謂勇敢。故所貴於勇敢者，貴其能以立義也。所貴於立義者，貴其有行也。所貴於有行者，貴其行禮也。故所貴於勇敢者，貴其敢行禮義也。故勇敢強有力者，天下無事則用之於禮義，天下有

事則用之於戰勝用之於戰勝則無敵用之於禮義則順  
治外無敵內順治此之謂盛德故聖王之貴勇敢強有力  
如此也勇敢強有力而不用之於禮義戰勝而用之於爭  
鬪則謂之亂人刑罰行於國所誅者亂人也又荀子榮辱  
篇為事利爭貨財無辭讓果敢而振猛貪而戾忤忤  
然惟利之見是賈盜之勇二文並可證此章之義

子貢曰君子亦有惡乎子曰有惡惡稱人之惡者注包曰好

稱說人之惡所以為惡惡居下流而訕上者注孔曰訕謗

毀惡勇而無禮者惡果敢而窒者注馬曰窒窒塞也正義

本子貢下有問字漢石經作君子有惡乎子曰有案亦是  
承上之辭此句上無所承自不當有亦字陳氏鱣古訓曰  
子曰有者與檀弓曾子曰有句法同又漢石經惡居下而  
訕上者無流字惠氏棟九經古義云當因子張篇惡居下  
流涉彼而誤鹽鐵論大夫曰文學居下而訕上漢書朱雲  
傳小臣居下訕上是漢以前無流字陳氏鱣古訓云四輩  
經比上尼經音義引亦無流字馮氏登府異文攷證云白  
六帖兩引俱無流字案皇疏云又憎惡為人臣下而毀謗

其君上者也。刑疏云：謂人居下位而謗毀在上，並無流字。今經文有流字，後人據誤本加也。少儀疏引此文，雖有流字，亦後人所增。蔡邕《楊賜碑》：惟我下流二三小臣，此自稱爲謙辭，非本論語。此文鄭注云：魯讀室爲室，今從古。馮氏登府異文攷證：說文室實也，集韻室實也，義本通。古二字亦相假。周鼎敦銘：孚乎家室。韓勅碑：牆城庫室。漢書功臣表有清簡侯室中同史記作室，皆其證也。馬氏《應潮曰》：室有室義，太玄經曰：冷竹爲管，室灰爲候。虞翻注：室室也。案室室音義俱近，故魯論作室。鄭以室義較顯，故從古。注好稱說人之惡，所以爲惡。正義曰：君子隱惡揚善，故稱說人惡爲君子惡也。注：訓誨毀也。禮少儀云：爲人臣下者，一切經音義五引蒼頡訓誨毀也。禮少儀云：爲人臣下者，有諫而無訕。孔疏謂道說君之過惡。注：室室塞也。正義曰：注當云室實也，衍一室字。說文室塞也，塞隔也。戴氏望注云：不通恕道，室塞於事，廣雅釋詁：怪，很也。王氏念孫疏證：玉篇怪，惡性也。論語惡果敢而窒者，窒與怪通。言很戾也。馬融訓室爲塞，失之。下文云：痊惡也。義與曰賜也。亦怪相近。案王說亦備一義，其斥馬注爲失誤也。曰賜也亦

有惡乎惡微以爲知者注孔曰微抄也抄人之意以爲已

有惡不孫以爲勇者惡許以爲直者注包曰許謂攻發人

之陰私正義曰曰賜也亦有惡乎皇本乎作也以此語屬

惡乎尤可證釋文微鄭本作絞古卯反中論覈辨篇孔子

曰小人毀譽以爲辨絞急以爲智不遜以爲勇斯乃聖人

所惡中論此文誤以此節爲夫子語毀譽以爲辨即許以

爲直之義絞急與鄭本作絞字同阮氏元校勘記曰敘聲

交聲古音同部故得通借案左成十四年傳引詩彼交匪

傲漢書五行志引左傳彼交作匪微亦交敷二聲旁通之

證絞急者謂於事急迫自炫其能以爲知也中論此文可

補鄭義馮氏登府異文攷證禮記隱義云齊以相絞許爲

掉箸論語言絞以爲知又云許以爲直絞許連文正齊魯

之方言鄭氏北海人其注三禮多齊言故於齊古魯參校

之時不從古而從魯也案鄭作絞不知何論必如隱義之

說亦是齊論而馮君以爲從魯殊屬臆測惡不遜以爲勇

者言本無勇段不遜以爲勇也荀子脩身篇加惕悍而不

順險賊而不弟焉則可謂不詳少者矣即此文之意。注

微抄也抄人之意以爲已有。正義曰說文微循也循順

行也漢書言中尉微循京師引中爲凡遮取之義故注訓

抄說文鈔又取也無抄字一切經音義二引字書抄掠也  
 又引通俗文遮取謂之抄掠音義又云古文抄剿二形案  
 曲禮毋剿說注剿猶擊也謂取人之說以為己說與此注  
 意同。注許謂攻發人之陰私。正義曰釋文引說文云  
 許面相斥是許為攻發也陰私人  
 所諱言而面相攻發以為己直也

子曰唯女子與小人為難養也近之則不孫遠之則怨正義

為有家國者戒也養猶待也左傳二十四年傳女德無極  
 婦怨無終杜注婦女之志近之則不知止足遠之則忿怨  
 無已即此難養之意易家人九三云家人嗃嗃悔厲吉婦  
 子嘻嘻終吝象傳家人嗃嗃未失也婦子嘻嘻失家節也  
 此即不孫之象故初九云閑有家言當教之於始也六二  
 云无攸遂在中饋貞吉言婦人惟酒食之議故能順以巽  
 也師上六云開國承家小人勿用小人即此篇  
 上章所指鄉原鄙夫之屬皇本怨上有有字

子曰年四十而見惡焉其終也已注鄭曰年在不惑而為人

所惡終無善行

正義曰漢石經年卅見惡焉卅从兩廿即  
 四十字之併漢碑多如此作。注年在至

善行。正義曰皇疏云人年未四十則德行猶進當時雖未能善猶望可改若年四十在不惑之時猶爲眾人其所見憎惡者則當終其一生無復有善理案曾子立事篇三十四十之間而無藝卽無藝矣五十而不以善聞則無聞矣七十而無德雖有微過亦可以勉矣孔氏廣森補注勉當爲免言不足責並言人年至壯老無所成德譏論之也



合肥蒯光藻校刊

論語正義卷二十一

恭冕述

微子第十八

集解

凡十四章

正義曰此篇實止十章疑四爲一誤

微子去之箕子爲之奴比干諫而死注馬曰微箕二國名子

爵也微子紂之庶兄箕子比干紂之諸父微子見紂無道

早去之箕子佯狂爲奴比干以諫見殺孔子曰殷有三仁

焉注仁者愛人三人行異而同稱仁以其俱在憂亂寧民

正義曰微箕皆有封國還仕王朝爲卿士至此諫紂俱不聽微子乃去其位行遜於外箕子以佯狂去位爲紂奴也史記宋微子世家周武王克殷微子乃持其祭器造於軍門肉袒面縛左牽羊右把茅膝行而前以告於是武王乃

釋微子復其位如故復其位者復其微子之位也及武庚  
滅乃改封國於宋爲宋公又宋世家言武王封箕子於朝  
鮮而不臣是二子後皆別封此仍言微箕者從故爵也舊  
時說者謂微子去之是去殷如周與載籍無一合者抑亦  
妄矣朱氏彬經傳攷證此章止敘比干之諫一似微箕兩  
賢初無一言之悟主者不知非也微箕之諫已貫於比干  
之諫之中特文勢蟬聯而下使人不覺耳宋世家曰紂既  
立不明淫亂於政微子數諫紂不聽及祖伊以西伯昌之  
修德滅殷懼禍至以告紂紂曰我生不有命在天乎是何  
能爲于是微子度紂不可諫欲死之及出未能自決乃問  
于太師少師于是太師少師乃勸微子去遂行又曰紂爲  
淫佚箕子諫不聽人或曰可以去矣箕子曰人臣諫不聽  
而去是彰君之惡而自說于民吾不忍爲也乃被髮佯狂  
而爲奴又曰王子比干見箕子諫不聽而爲奴則曰君有  
過而不以死爭則百姓何辜乃直言諫紂由此觀之微箕  
非不諫也特比干被禍尤烈耳○注微箕至見殺○正義  
曰微箕皆殷時封國孔氏書疏引鄭玄說以爲俱在圻內  
也杜預春秋釋例僖六年微東平壽張縣西北有微鄉微  
子冢水經濟水注濟水又北逕微鄉東春秋莊公二十八  
年經書冬築鄆京相璠曰公羊傳謂之微東平壽張縣西

北三十里有故微鄉魯邑也杜預曰有微子冢西北去朝歌尚在圻內寰宇記云博州聊城縣有微子城博州今東昌府治聊城爲附郭首邑與壽張毗連故兩邑皆言有微地實則壽張是也閻氏若璩釋地謂今潞安府潞城縣東北十五里有微子城此據明一統志不足信也左僖三十三年經晉人敗狄于箕注太原陽邑縣南有箕城閻氏釋地謂在今山西遼州榆社縣東南三十里而彙纂謂在太谷縣東南三十五里是榆社縣西亦一邑兩載皆在圻內但未知孰是又左傳秦入我河曲焚我箕郤江氏永春秋地理考實謂今山西隰州蒲縣東北有箕城當卽其地然去朝歌甚遠必非箕子所封邑也比干未自封國孟子稱王子比干疑比干卽其名或字也路史謂唐之比陽有比水卽比干國其說不知何本考比陽於漢地志屬南陽郡非在圻內路史誤也白虎通爵篇子者孳也孳孳無已也殷爵三等謂公侯伯也此得有子者鄭君王制注異畿內謂之子是也微子名啟箕子名無考莊子大宗師若孤不偕務光伯夷叔齊箕子胥餘紀他申徒狄司馬彪注以胥餘爲箕子名尸子亦云箕子胥餘漆身爲厲被髮佯狂胥餘並承箕子之下則彪說亦可信也左定九年傳陽虎曰微子啟帝乙之元子也呂氏春秋仲冬紀紂之母生微子

啟與仲衍其時猶尙爲妾已而爲妻而生紂史記殷本紀  
帝乙長子曰微子啟啟母賤不得嗣少子辛辛母正后辛  
爲嗣帝乙崩子辛立是爲帝辛天下謂之紂宋世家微子  
開者殷帝乙之首子而紂之庶兄也庶兄者謂微子生時  
其母未爲后則微子是帝乙庶子卽是紂之庶兄此馬注  
意亦然也孟子告子篇以紂爲兄之子且以爲君而有微  
子啟王子比干又以微比皆紂諸父說比干者無異辭而  
微子爲諸父則止孟子一言翟氏灝考異引陸象山說從  
孟子則以箕子稱微子曰王子與比干稱謂同或其行輩  
亦同姚氏鼎經說牧誓言播棄王父母弟不迪苟有庶兄  
播棄不迪其罪不甚于王父母弟乎而武王乃不言之乎  
吾是以知惟孟子之言信也宋世家又云箕子者紂親戚  
也不言爲何行輩服虔杜預以爲紂庶兄而王肅以爲紂  
諸父與馬此注同高誘注淮南主術爲紂庶兄而注呂氏  
春秋必已離謂過理等篇皆爲紂諸父傳聞各異未知孰  
是殷本紀云紂愈淫亂不止微子數諫不聽乃與太師少  
師謀遂去比干曰爲人臣者不得不以死爭迺强諫紂紂  
怒曰吾聞聖人心有七竅剖比干觀其心箕子懼乃詳狂  
爲奴紂又囚之此紀先敘微子次比干箕子馬此注本之  
遂以微子爲早去也宋世家云箕子諫不聽乃被髮佯狂

而爲奴王子比干見箕子諫不聽而爲奴乃直言諫紂  
怒乃遂殺王子比干於是太師少師乃勸微子去遂行則  
又先箕子次比干次微子與殷紀敘述不同韓詩外傳紂  
作炮烙之刑王子比干曰主暴不諫非忠也畏死不言非  
勇也見過卽諫不用卽死忠之至也遂諫三日不去紂囚  
殺之又云比干諫而死箕子曰知不用而言愚也殺身以  
彰君之惡不忠也遂被髮佯狂而去此傳先比干次箕子  
與殷紀同與宋世家異而不言微子去之在何時竊以微  
子事當從宋世家以宋人所載必得實也若箕比先後宜  
闕疑焉佯狂者佯爲也廣雅釋詁狂癡也後漢陳忠傳注  
狂易謂狂而易性也爲奴者周官司厲其奴男子入于罪  
隸女子入于舂棗凡有爵者與七十者與未齒者皆不爲  
奴鄭注謂坐爲盜賊而爲奴者輸于罪隸此據漢法以況  
爲盜賊之罰其實凡有罪皆得輸入故甘誓言奴戮汝也  
箕子是有爵雖有罪不得爲奴故必佯狂而後得以沒入  
先鄭司厲注云箕子爲之奴罪隸之奴也是也御覽四百  
十九引鄭注云此三人紂同姓大臣微子知紂惡而去之  
箕子比干不忍去故或爲奴或見殺詩邶舟疏引鄭注  
又云箕子比干不忍去皆是同姓之臣有親屬之恩君雖  
無道不忍去之也然君臣義合道終不行雖同姓有去之

理故微子去之與箕子比干同稱三仁案白虎通五行篇  
親屬臣諫不相去何法法木枝葉不相離也何休公羊莊  
九年注禮公子無去國道也是同姓之臣無去理然微子  
實處不得不去之勢故鄭君復言同姓有去理以明之也  
。注仁者至靈民。正義曰憂亂者憂君亂也憂亂靈民  
皆是愛人故爲仁也中論智行篇微子介於石不終日箕  
子內難而能正其志比干諫而剖心君子以微子爲上箕  
子次之比干爲下故春秋大夫見殺皆譏其不能以智自  
免也案微子之去在箕比事後彼見二子及已諫已不行  
故聽太師少師之勸然後去也以智許之必非微子所願  
而比干以忠愛受奇禍復從而奪之亦太近刻然則夫子  
之次三子或如胡炳文四書通謂先易者後難者也以爲  
上下之次殆未然矣  
皇本此注作馬曰

桺下惠爲士師

注

孔曰士師典獄之官三黜人曰子未可以

去乎曰直道而事人焉往而不三黜

注

孔曰苟直道以事

人所至之國俱當復三黜枉道而事人何必去父母之邦

正義曰鄭注云黜退也案說文黜貶下也三黜仍爲此官故先言爲士師明非改官也桺下被黜不去卽是降志辱身之事然不爲枉道故孟子稱爲聖之和又言不以三公易其介也戰國燕策燕王喜謝樂毅書曰昔者桺下惠吏于魯三黜而不去或謂之曰可以去桺下惠曰苟與人之異惡往而不黜乎猶且黜乎寧于故國耳與此文略同。注士師典獄之官。正義曰鄭亦有此注孔所襲也周官士師下大夫四人鄭注士寮也主察獄訟之事此官王朝得有下大夫若侯國不過以中下士爲之故孟子言桺下惠不卑小官也

齊景公待孔子曰若季氏則吾不能以季孟之間待之

曰魯三卿季氏爲上卿孟氏爲下卿不用事言待之以二

者之間曰吾老矣不能用也孔子行

吾老不能用

正義曰待孔子史記孔子世家作止孔子謂商所以安止之也世家云魯昭公奔於齊頃

之魯亂孔子適齊景公問政孔子曰君君臣臣父父子子他日又復問政於孔子孔子曰政在節財景公說欲



以尼谿田封孔子晏嬰進云云後景公敬見孔子不問其  
禮異日景公止孔子曰奉子以季氏吾不能以季孟之閒  
待之齊大夫欲害孔子孔子聞之景公曰吾老矣弗能用  
也孔子遂行反乎魯其事在孔子三十五歲之後四十二  
歲之前景公欲以尼谿封孔子晏嬰雖沮之而公猶欲待  
之以季孟之閒是公意猶未忘也邢疏云景公言我待孔  
子以上卿之位則不能以其有田氏專政故也又不可使  
其位卑若魯孟氏故將待之以季孟又叔孫僑如曰魯之有季  
劉康公曰叔孫之位不若季孟又叔孫僑如曰魯之有季  
孟猶晉之有欒范二文皆言季孟全氏祖望問答謂以權  
勢稱之故四分公室舍中軍則季氏將左師孟氏將右師  
而叔孫氏自爲軍是三桓之勢季一孟二不可墨守下卿  
之說而輕之其說甚確若然則康公所言叔孫位不若孟  
者亦是明其權重假位說之非其實也此文季孟之閒專  
是言位周氏炳中典故辨正謂季孟之閒明明在季之下  
孟之上卽謂將以叔孫氏待孔子亦無不可周氏之言尤  
洽經旨景公雖欲待孔子而終不果行後又託於吾老而  
不能用孔子所以去齊而反魯也待孔子與吾老之言非  
在一時故論語用兩日字別之。注魯三至之閒。正義  
曰昭四年左傳季孫爲司徒叔孫爲司馬孟孫爲司空司

徒上卿也司空下卿也哀二年經書季孫斯叔孫州仇仲孫何忌帥師伐邾此正魯三卿之位次但孟氏雖居下卿而權重於叔氏故當時多言季孟此注謂孟不用事誤○注以聖道難成故云吾老不能用○正義曰世家晏嬰曰自大賢之息周室既衰禮樂缺有閒今孔子盛容飾繁登降之禮趨詳之節累世不能殫其學當年不能究其禮若欲用之以移齊俗非所以先細民也是晏嬰以聖道難成故景公聞而止尼谿之封其後以吾老不能用辭孔子亦由晏嬰前言或沮之也左襄二十五年傳叔孫宣伯之在齊也叔孫還納其女于靈公嬖生景公宣伯在齊為魯成十六年景公之生當在成十七八年計其即位時已二十七八歲至孔子因魯亂適齊則在景公三十一年後故閻氏若璩釋地謂孔子在齊為景公三十三年時年已六十故稱老

齊人歸女樂季桓子受之三日不朝○桓子季孫斯也使定

公受齊之女樂君臣相與觀之廢朝禮三日孔子行○正義

文歸如字鄭作饋案後漢蔡邕傳注文選鄒陽上書注並引作饋用鄭本也江氏永鄉黨圖考按世家歸女樂去魯

適衛皆敘於定公十四年非也定十三年夏有築蛇淵圖  
 大蒐比蒲皆非時勞民之事使夫子在位而聽其行之則  
 何以爲夫子考十二諸侯年表及衛世家皆於靈公三十  
 八年書孔子來祿之如魯衛靈三十八當魯定十三年蓋女  
 樂事在二十三年冬春之閒去魯實在十三年春魯郊嘗  
 在春故經不書當以衛世家爲正○注桓子至三日○正  
 義曰孔子世家孔子由大司寇行攝相事於是誅魯大夫  
 亂政者少正卯與聞國政三月粥羔豚者弗飾賈男女行  
 者別於塗塗不拾遺四方之客至乎邑者不求有司皆予  
 之以歸齊人聞而懼曰孔子爲政必霸霸則吾地近焉我  
 之爲先并矣盍致地焉犁鉏曰請先嘗沮之沮之而不可  
 則致地庸遲乎於是選齊國中女子好者八十人皆衣文  
 衣而舞康樂文馬三十駟遺魯君陳女樂文馬於魯城南  
 高門外季桓子微服往觀再三將受乃語魯君爲周道游  
 往觀終日怠於政事子路曰夫子可以行矣孔子曰魯今  
 且郊如致膳乎大夫則吾猶可以止桓子卒受齊女樂三  
 日不聽政郊又不致膳俎於大夫孔子遂行宿乎屯而師  
 己送曰夫子則非罪孔子曰吾歌可夫歌曰彼婦之口可  
 以出走彼婦之謁可以死敗蓋優哉游哉維以卒歲師已  
 反桓子曰孔子亦何言師已以責告桓子喟然歎曰夫子

罪我以羣婢故也夫此僞孔所本韓非內儲說言齊景公以女樂六遺哀公此紀事之誤又言仲尼諫不聽去而之楚謂孔子諫女樂深合事情足補世家之闕案孟子言孔子於季桓子有見行可之仕世家亦言行乎季孫三月不違其任孔子甚專至將死命康子必反孔子此不得謂不知孔子矣乃受齊女樂甘墮齊人術中而迫孔子以不得不行此當別有隱情或卽惑於公伯繚之愬以夫子爲彊公弱私不利於己故孔子於女樂之受雖諫亦不聽也世家言孔子去魯適衛而韓非及檀弓皆言適楚亦傳聞各異

楚狂接輿歌而過孔子匡孔曰接輿楚人佯狂而來歌欲以感切孔子曰鳳兮鳳兮何德之衰匡孔曰比孔子於鳳鳥鳳鳥待聖君乃見非孔子周行求合故曰衰往者不可諫來者猶可追已而已而今之從政者殆而匡孔曰已往所行不可復諫止自今已來可追自止辟亂隱居已而已而

者言世亂已甚不可復治也再言之者傷之深也孔子下

欲與之言趨而辟之不得與之言困包曰下下車正義曰

聞世云孔子適楚楚狂接輿游其門曰鳳兮鳳兮何如德之衰也來世不可待往世不可追也天下有道聖人成焉天下無道聖人生焉方今之時僅免荆焉福輕乎羽莫之能載禍重乎地莫之知避已乎已乎臨人以德殆乎殆乎蓋地而趨迷陽迷陽無傷吾行吾行卻曲無傷吾足山木自寇也膏火自煎也桂可食故伐之漆可用故割之人皆知有用之用而莫知無用之用也此當似接輿歌原文論語節引之耳衰追已殆皆韻戴氏望論語注據莊子解此文云往往世諫正也言禍亂相尋已往不可以禮義正之來來世也言待來世之治猶可追耶明不可追殆疑也昭王欲以書社地封孔子令尹子西沮之故言今之從政者見疑也案戴說是也孔子世家載子西說云且楚之祖封於周號爲子男五十里今孔子世家載子西說云且楚之祖封王若用之則楚安得世世堂堂方數千里乎夫文王在豐武王在鎬百里之君卒王天下今孔子得志不利於楚故疑之爲佐非楚之福也是子西以夫子得志不利於楚故疑之

也莊子云殆乎殆乎畫地而趨畫地即指封書社之事明  
以此見殆則殆訓疑至確也何德之衰此據邢本與世家  
同漢石經作何而德之衰也與莊子合如而古字通唐石  
經及皇本高麗本作何德之衰也又諫下追下漢石經及  
皇本高麗本並有也字鄭注云魯讀期斯已矣今之從政  
者殆今從古陳氏鱣古訓曰期時也言出處之道惟其時  
而已矣今之從政者殆是可已之時也此或得魯義鄭所  
以必從古者正據世家作已而已而又莊子亦云已乎已  
乎知古本爲近也又皇本辟作避不得與之言下有也字  
○注接輿至孔子○正義曰接輿楚人故稱楚狂莊子逍  
遙游肩吾問於連叔曰吾聞言於接輿應帝王篇肩吾見  
狂接輿狂接輿曰云云又接輿曰云云此外若荀子堯問  
秦策楚辭史記多稱接輿故馮氏景解春集謂接是姓與  
是名引齊稷下辨士接子作證皇甫謐高士傳陸通字接  
輿妄撰姓名殊不足據韓詩外傳稱楚狂接輿躬耕以食  
楚王使使者齎金百鎰願請治河南接輿笑而不應乃與  
其妻偕隱變易姓字莫知所之觀此則接輿乃其未隱時  
所傳之姓字後人因孔子下解爲下車遂謂楚狂與夫子  
之輿相接而歌誤也秦策范雎曰箕子接輿漆身而爲厲  
被髮而陽狂無益於殷楚史記鄒陽傳上書曰箕子佯狂

接與避世楚辭涉江云接與髮首髮首如仲雍之斷髮漆  
身髮首皆伴狂之行故此注言接與伴狂也感切猶感動  
○注已往至治也○正義曰注以往者來者指孔子與莊  
子不合陳氏與論語孔注辨偽序云已止也止所止息也  
此即教孔子避亂隱居之意訓解云云與下句今之從政  
殆義重複偽也案陳說是也以魯讀證之益見○注下下  
車○正義曰注以下為下車則前云歌而過當謂過夫子  
車前也鄭注云下堂出門也與包異者鄭以莊子言孔子  
適楚楚狂接與游其門是夫子在門內非在車上故以下  
為下堂也前篇下而飲拜下皆不言堂與此同高士傳前  
用莊子游其門之文及此復從  
包氏以為下車不免自相矛盾

長沮桀溺耦而耕使子路問津焉因鄭曰長沮桀溺隱者也

耜廣五寸二耜為耦津濟渡處

正義曰金履祥集注考證說長沮桀溺名皆從水子

路問津一時何自識其姓名諒以其物色名之如荷蓀晨  
門荷蓀丈人之類蓋二人耦耕於田其一人長而沮洳一  
人桀然高大而塗足因以名之案金說亦甚有理漢婁壽  
碑桀且溺之耦耕且即沮省史記世家敘此事於孔子去

葉反蔡之時則為哀公六年孔子年六十四也水經灕水  
注方城山水東流注灕水故地理志曰南陽葉方城邑西  
有真城山是長沮桀溺耦耕之所有東流水則子路問津  
處寰宇記略同未知其說所本而近時山東通志又謂魚  
臺縣桀溺里在縣北三十里相傳為子路問津處其地乃  
濟水經流之地有問津亭碑載夫子適陳蔡有渡有橋有  
菴俱以問津名考魚臺為魯棠邑夫子時非去魯何緣於  
此問渡地里書多難徵信若此世家云孔子曰隱者使子  
路問津焉論衡知實篇謂孔子使子路問津欲觀隱者之  
操此或古論家說然求意太深反失事實○注耜廣至渡  
處○正義曰耜廣五寸二耜為耦考工匠人文說文耜作  
耜云耜也耜耒耒之別名三蒼云耜耒頭鐵也京房易繫  
辭傳注耜耒耒耒耒耒耒耒耒耒耒耒耒耒耒耒耒耒耒耒  
併發之今之耜耒耒耒耒耒耒耒耒耒耒耒耒耒耒耒耒耒  
人發之若兩人二耜併發則謂之耦說文耦耒廣五寸為  
伐二伐為耦伐與發同許所偶亦古制也匠人疏云二人  
難並發一尺之地未必並頭其發知者孔子使子路問津  
於長沮長沮不對又問桀溺若並頭其發不應別問桀溺  
明前後不並可知雖有前後其耦自得一尺不假要並也  
案漢書食貨志后稷始畝田曰二耜為耦廣尺深尺曰畝



長終晦一晦三畝一夫三百畝而播種於畝中此文下云  
耨爲覆種則耦耕爲播種於畝中矣津濟渡處者說文津  
水渡也水經河水注自黃河泛舟而渡者皆爲津也長沮曰夫執輿者爲誰子路曰

爲孔丘曰是魯孔丘與曰是也曰是知津矣匡馬曰言數

周流自知津處問於桀溺桀溺曰子爲誰曰爲仲由曰是

魯孔丘之徒與對曰然曰滔滔者天下皆是也而誰以易

之匡孔曰滔滔周流之貌言當今天下治亂同空舍此適

彼故曰誰以易之且而與其從辟人之士也豈若從辟世

之士哉匡士有辟人之法有辟世之法長沮桀溺謂孔子

爲士從辟人之法已之爲士則從辟世之法耨而不耨

鄭曰耨覆種也輟止也覆種不止不以津告

正義曰皇疏云執輿猶執

轡也子路初在車上卽爲御御者執轡今旣下車而往問  
津渡則廢轡與孔子也漢石經輿作車誰下有子字曰是  
下無也字曰字皇本誰下有子字曰是上有對字釋文云  
孔子之徒一本作子是今作孔丘之徒與世家作子孔丘  
之徒與又滔滔釋文引鄭本作悠悠世家載此文正作悠  
悠僞孔注本亦同陳氏鹽古訓曰後漢書朱穆傳悠悠者  
皆是其可稱乎亦本此洪氏頤煊讀書叢錄文選養生論  
夫悠悠者旣以未效不求李善引此文當作悠悠今本作  
滔滔後人所改案鹽鐵論大論篇言孔子云悠悠者皆是  
皆同鄭本當是古論集解從魯論作滔滔也又漢書班固  
敘傳固作幽通賦曰溺招路以從己今謂孔氏猶未可安  
滔滔而不葩兮卒隕身乎世既鄧展曰滔滔者亂貌也葩  
避也師古曰論語稱桀溺曰滔滔者天下皆是也此引論  
語作滔亦由所見本異百聲古音在蕭幽部故與悠通誰  
以易之誰謂當時諸侯也以與也易治也言當時諸侯皆  
無賢者孔子得誰與治之耶且而之而謂子路也顏師古  
敘傳注云避人之士謂孔子避世之士弱自謂也擾而不  
輟漢石經作擾不輟說文引亦作擾五經文字曰擾音憂  
見論語集韻擾或從未然則作擾乃或體字○注滔滔至  
易之○正義曰盧氏文弼釋文攷證史記世家集解引此

注滔滔作悠悠又文選四十九千令升晉紀總論悠悠風  
塵注所引孔注亦同是古論作悠悠鄭孔皆同何晏依魯  
論作滔滔采孔注而改之妄甚今案悠悠訓周流疑與詩  
淇水悠悠同即激之或體水回旋周流皆是此水喻當世  
之亂同也注云治亂同者連言耳空舍此適彼言彼此皆  
同不必以此易彼也說似可通但與下句上不與易義不  
協○注士有至之法○正義曰注以兩從字爲孔子及沮  
溺所從非謂子路從於語意不合○注覆種也輟止也  
○正義曰說文覆摩田器是覆本器名用以摩田而此云  
覆種者徐鍇說文繫傳云謂布後以此器摩之使土開發  
處復合以覆種也是也江氏永羣經補義或疑播種之後  
不可摩摩則種不固然沮溺耦耕時即覆國語云深耕而  
疾耨之孟子亦曰薳麥播種而耨之是耨在播種之後問  
諸北方農人曰播種之後以土覆是摩而平之使種入土  
鳥不能啄也案齊民要術耕荒畢以鐵齒鋤鍤再徧杷之  
漫擲黍稷勞亦再徧勞與耨一音之轉輟止者爾雅釋詁  
輟已也己子路行以告夫子憮然注爲其不達己意而便  
止同訓非己也曰鳥獸不可與同羣吾非斯人之徒與而誰與注

孔曰隱於山林是同羣吾自當與此天下人同羣安能去

人從鳥獸居乎天下有道丘不與易也注言凡天下有道

者丘皆不與易也已大而人小故也正義曰子路行以告

並無行字今皇邢本皆有行字阮氏元校勘記謂因丈人

章誤衍是也夫子憮然漢石經無夫字又皇本羣下有也

字○注為其不達己意而便非己也○正義曰三蒼云憮

然失意貌也孟子滕文公上夷子憮然趙注憮然者猶悵

然也焦氏循正義說文憮一曰不動爾雅釋言云憮撫也

廣雅釋詁既訓撫為安又訓撫為定安定皆不動之義蓋

夫子聞子路述沮溺之言寂然不動久而乃有鳥獸不可

同羣之言此夷之聞徐辟述孟子之言寂然不動久而乃

有命之之言案焦說與三蒼義合蓋人失意每致寂然不

動如有所失然也沮溺不達己意而妄非己故夫子有此

容○注隱於至居乎○正義曰山林是鳥獸所居人隱居

山林是與鳥獸同羣也人與人同羣故當相人偶也言辟

人辟世法皆非也○注言凡至故也○正義曰皇本作孔

注其申注云言凡我道雖不行於天下天下有道者而我

道皆不至與彼易之是我道大彼道小故也案注意謂天下即有道某亦不以治民之大道易彼隱避之小道也於義殊曲故不從之

子路從而後遇丈人以杖荷篠注包曰丈人老人也篠竹器子路問曰子見夫子乎丈人曰四體不勤五穀不分孰爲夫子注包曰丈人云不勤勞四體不分植五穀誰爲夫子而索之耶植其杖而芸注孔曰植倚也除草曰芸子路拱而立注未知所以答止子路宿殺雞爲黍而食之見其二子焉明日子路行以告子曰隱者也使子路反見之至則行矣注孔曰子路反至其家丈人出行不在正義曰從而後者謂從夫子行而在後也釋文云篠本又作條又作篠盧氏文弼攷證說文筱從條省聲論語曰以杖荷筱是筱爲正字論語

本與說文合條乃條枚字於六書爲段借今作蓀不省皇  
本作篠誤四體者趙岐孟子注體者四枝股肱也五穀者  
禾黍稷稻麥也說五穀者多家此從程氏瑤田說定之鄭  
注云分猶理謂理治之也宋氏翔鳳發微云王制百畝之  
分鄭注分或爲糞此五穀不分當讀如草人糞種之糞必  
先糞種而後五穀可治俞氏樾平議略同於義亦通朱氏  
彬經傳攷證宋呂本中紫薇雜說曰四體不勤二語荷蓀  
丈人自謂其說得之平議又云兩不字並語詞不勤勤也  
不分分也引詩徒御不警大庖不盈不戢不難受福不那  
諸傳爲據亦是也植其杖漢石經植作置惠氏棟九經古  
義案商頌那詩置我執鼓箋云置讀曰植正義云金縢云  
植璧秉圭鄭注云植古置字然則古者置植字同說文曰  
植或作權從置今案依詩箋植置本二字金縢注謂植古  
置字者謂古以植爲權段借之義也段氏玉裁說文注云  
丈人行來至田則置杖於地用莢芸田植杖者置杖也此  
從漢石經作置爲訓如呂氏春秋異用篇所云孔子置杖  
之比然用莢芸田必拄杖而後可芸竊以此文作植爲正  
作置亦是段字段說未能合也芸本作損藉是或體俱見  
說文今作芸漢石經作耘俱隸省拱者說文拱欽手也新  
書容經固顓正視平肩正背臂如抱鼓足開二寸端面攝

纓端股整足體不搖肘曰經立因以微磬曰共立共與拱  
同檀弓孔子與門人言知其賢者禮異之也為黍者治黍為  
之象子路問丈人言知其賢者禮異之也為黍者治黍為  
飯也黍禾屬而黏者其不黏者別名糜稌用以作飯蓋食  
之貴者所以敬禮客也○注丈人老之稱與此注合至道應訓注  
曰淮南脩務訓注丈人長老之稱與此注合至道應訓注  
以為老而杖於人故稱丈人此說不免附會易師丈人吉  
鄭注丈之言長能以法度長於人彼稱丈人者為位尊者與  
此荷蓀丈人為齒尊異也說文蓀丈人皆作篠器其字從草此注  
云竹器者草竹一類也皇本經注皆作篠器即本此注誤改  
說文蓀曰今南昌人耘田用一具形如提梁旁加索納於足  
氏杰曰今南昌人耘田用一具形如提梁旁加索納於足  
下手持一杖以足蹋草入泥中名曰脚蹼是可為論語以  
杖荷蓀植杖而芸及說文蓀字發微云詳包意亦以四體不勤五  
耶○正義曰宋氏翔鳳發微云詳包意亦以四體不勤五  
穀不分為自述其不邊暇逸之義故不能知孰為夫子以  
答子路非以責子路也○注植倚也除草曰芸○正義曰  
植者立也故有倚訓謂依倚之也江氏永羣經補義今人  
耘田必扶杖乃能用足則植杖正所以耘猶云拄杖也食  
文賴除苗間穢也段氏玉裁注小雅毛傳曰耘除草也食

貨志云苗生三葉以上稍耨。耨草田。墾其土以附苗根。比成。穞盡而根深。能風與旱。此古者耨。籽爲一事也。謂苗初生之始也。旣成以後。仍有莠及童。節生乎其間。則又以耨。穞之。穞者。披田草也。亦謂之耨。今案。用被芸草。亦在旣成以後。吾鄉農人云。田宜多芸。不獨除草。且茂苗也。○注。子路反至其家。丈人出行不在。○正義曰。注以丈人偶出行。不遇。非知子路。子路曰。注。鄭曰。留言以語丈人之二子。不復來而避之也。仕無義。長幼之節不可廢也。君臣之義如之何其廢之。注。孔曰。言女知父子相養不可廢。反可廢君臣之義耶。欲潔其身而亂大倫。注。包曰。倫道理也。君子之仕也。行其義也。道之不行。已知之矣。注。包曰。言君子之仕。所以行君臣之義。不必自己道得行。孔子道不見用。自己知之。正義曰。義者。宜也。君子成己。所以成物。故士必宜仕。仕卽是義。亦卽是道。不仕則無君臣之義。是爲亂倫。亂之爲言。猶廢也。夫子栖栖不



己知其不可而猶為之亦是冀行其道而已道行而君臣之倫以盡道不行而君臣之倫終未嘗一日敢廢故孟子言孔子三月無君皇皇如也明雖知道不行猶不敢忘仕也長幼之節謂前見二子有兄弟之節次也注以父子相養言之非矣漢石經君臣之禮如之何其廢之也皇本作如之何其可廢也潔阮據宋本作絜道之不行皇本作有也字釋文己音紀一音以盧氏文弼攷證曰音以是○注倫道理也○正義曰說文倫一曰道也又訓理者謂文理也凡論倫字皆訓理其證也○注不必至知之○正義曰注讀己知之己為紀己道不行則望人行之故曰不必自己道得行明人行之與己同也此說稍曲

逸民注逸民者節行超逸也伯夷叔齊虞仲夷逸朱張柳下

惠少連注包曰此七人皆逸民之賢者正義曰說文佚佚民也從人失聲段氏玉裁注謂論語逸民許作佚民佚正字逸段借字孟子

曰遺佚而不怨案下篇舉逸民亦用段字顏師古漢書律麻志注逸民謂有德而隱處者此虞仲後雖為君柳下惠亦為士師要自其初皆為民也左僖五年傳宮之奇曰太

伯虞仲太王之昭也史記周本紀古公有長子曰太伯次曰虞仲又云太伯虞仲知古公欲立季歷以及昌乃二人如荆蠻文身斷髮以讓季歷吳太伯世家太伯之葬荆蠻荆蠻義之立為吳太伯太伯卒無子弟仲雍立是為吳仲雍周武王克殷求太伯仲雍之後得周章周章已君吳因而封之乃封周章弟虞仲於周之北故夏墟是為虞仲列為諸侯案本紀以虞仲為太伯弟說似不同吳仁傑兩漢刊弟虞仲則仲雍曾孫周章之弟說似不同吳仁傑兩漢刊誤補遺謂仲雍亦名虞仲是虞仲有兩人漢書地理志周太王長子太伯次曰仲雍少曰公季公季有聖子昌欲傳國焉太伯仲雍辭行采藥遂奔荆楚故孔子美而稱曰太伯可謂至德也已矣謂虞仲夷逸隱居放言身中清廢中權師古曰虞仲即仲雍也志又云太伯卒仲雍立至曾孫周章而武王克殷因而封之又封周章弟中于河北是為北吳後世謂之虞師古曰中讀曰仲班志此文亦以周有兩虞仲虞吳通用如騶虞亦作騶吾之比仲雍稱吳仲雍故或稱虞仲志引論語隱居放言即指逃竄荆蠻之事兩虞仲本皆為吳仲故稱周章之弟為北吳對周章為南吳也後世稱北吳為虞者亦以兩吳不能分別故取同音異字而為虞矣仲雍亦稱虞者此又因音同而假之其本字

則爲吳也虞仲在夷齊前而先夷齊者重德也若孟子稱伯夷在伊尹前矣○注逸民者節行超逸也○正義曰後漢書逸民傳敘蓋錄其絕塵不及與此注義同○注此七人皆逸民之賢者○正義曰虞仲注不知何指尸子云夷逸者夷詭諸之裔或勸其仕曰吾譬則牛豕服輒以耕於野不忍被鑄入廟而爲犧禮雜記孔子曰少連大連善居喪三日不怠三月不解期悲哀三年憂東夷之子也此夷逸少連二人事可考者朱張見漢書古今人表論語釋文云朱張並如字眾家亦爲人姓名王弼注朱張字子弓荀卿以比孔子案荀子非相篇非十二子篇儒效篇以仲尼子弓並言楊倞注以子弓爲仲弓則是夫子弟子豈得無於古賢之列而曰我異於是且子弓之卽爲朱張亦別無一據則王說未可信也竊以朱張行事當夫子時已失傳故下文論列諸賢不及朱張而但存其姓名於逸民之列蓋其慎也又釋文引鄭作侏張而但存其姓名於逸民之列庭錄文選劉琨答盧諶書自頃勦張注曰勦張驚懼之貌也揚雄國三老箴負乘覆餗姦尤侏張翰與侏古字通此鄭本作侏張知非人姓名矣故鄭作者七人注獨不舉夷逸朱張郝氏敬曰朱張朱當作譚書譚張爲幻卽陽狂也曰逸民曰夷逸曰朱張三者品其目夷齊仲惠連五者舉

其人也此說當得鄭義臧氏庸拜經日記略同今案鄭義不著或如宋臧所刪然夷逸明見尸子桺下豈爲陽狂於義求之似爲非也漢地志說仲雍之事引謂虞仲夷逸本此文連言師古以爲竄於蠻夷而遁逸其義或與鄭同要未必得班本旨也七人爲逸民之賢者是解逸子曰不降民爲隱逸不謂超逸也此集解前後失檢處

其志不辱其身伯夷叔齊與注鄭曰言其直已之心不入

庸君之朝謂桺下惠少連降志辱身矣言中倫行中慮其

斯而已矣注孔曰但能言應倫理行應思慮如此而已矣

謂虞仲夷逸隱居放言注包曰放置也不復言世務身中

清廢中權注馬曰清純潔也遭世亂自廢棄以免患合於

權也正義曰孟子公孫丑篇孟子曰伯夷非其君不事非其友不友不立於惡人之朝不與惡人言立於惡人之朝與惡人言如以朝衣朝冠坐於塗炭是故諸侯雖有善其辭命而至者不受也不受也者是亦不屑就已是即

伯夷不降其志不辱其身之事也舉伯夷則叔齊可知又云柳下惠不羞汙君不卑小官遺佚而不怨阨窮而不悶故曰爾爲爾我爲我雖袒裋裸程於我側爾焉能浼我哉故由由然與之偕而不自失焉援而止之而止援而止之而止者是亦不屑去已是卽柳下惠降志辱身之事也論出處之節自以不降不辱爲優而夷齊亦失之過峻韓詩外傳謂夷齊爲礪仁又曰仁礪則其德不厚又曰礪仁雖下然聖人不廢者匡民隱括有在是中者也是知夷齊雖聖人所許亦聖人所不爲也惠連降志辱身出處之際似無足觀然中倫中慮言行如此實非枉道以殉人故夫子亦許之也虞仲夷逸亦是降不辱故能中清中權而隱居放言於世亦寡所合但不及夷齊之行故述逸民之目仲逸亞於夷齊論行事則夷齊與惠連爲最異故相次論之而後及虞仲夷逸也不辱其身皇本身下有者字其斯而已矣漢石經作其斯以平謂虞仲夷逸漢石經作夷佚身中清世家身作行行與廢當是對文謂居位行道也此安國舊義也廢中權釋文引鄭作發云動貌案貌疑作也後漢隗囂傳方望曰動有功發中權此謂行事所發見也皇疏引江熙曰晦明以遠害發動中權也二文並作發與鄭本同當由齊魯文異江熙所云可補鄭義○注但能至

已矣○正義曰倫理者訓倫爲理也思慮者謂心所思慮於道也孟子以桮下惠爲和爲介又大戴衛將軍文子篇孝子慈幼允德秉義約貨去怨蓋桮下惠之行也是其言行有可稱也○注放置也不復言世務○正義曰放置見廣雅釋詁中庸云國無道其默足又荀韓鍾陳傳論漢自中融傳跌蕩放言李賢注放縱也又荀韓鍾陳傳論漢自中世以下閭豎擅恣放俗遂以遁身矯潔放言爲高李賢注放肆其言不拘節制也論語曰隱居放言此解似勝包氏○注遭世亂自廢棄以免患合於權也○正義曰注以康仲夷逸當亂世則虞仲似非仲雍疑指周章弟當紂世也

**我則異於是無可無不可**注馬曰亦不必進亦不必退惟

義所在

注亦不必進亦不必退惟義所在○正義曰進者可也退者不可也逸民或治則進亂則退或雖治

亦退或雖亂亦進行各不同皆未適於大道惟夫子本從心之矩妙隱見之權進退俱視乎義義苟可進雖亂亦進義苟宜退雖治亦退孟子云孔子可以仕則仕可以止則止可以久則久可以速則速久謂久居其國速謂速去此孔子之行也孟子以孔子爲聖之時此注則以儀衡之義者宜也卽時也故易傳屢言時義也鄭注此云不爲夷齊

之清不爲惠連之屈故曰異於是也案法言淵騫篇或問李仲元是夷惠之徒與曰不夷不惠可否之間也後漢黃瓊傳李固引傳曰不夷不惠可否之間可否即可與不可也孟子云伯夷隘柳下惠不恭隘與不恭君子不由也君子卽孔子是謂孔子不爲夷惠也

太師摯適齊亞飯干適楚注孔曰亞次也次飯樂師也摯干

皆名三飯繚適蔡四飯缺適秦注包曰三飯四飯樂章名

各異師繚缺皆名也鼓方叔入於河注包曰鼓擊鼓者方

叔名入謂居其河內播鼗武入於漢注孔曰播搖也武名

也少師陽擊磬襄入於海注孔曰魯哀公時禮壞樂崩樂

人皆去陽襄皆名正義曰太師摯等皆殷人則太師少師

磬師又大司樂膳夫皆以樂侑食舊矇眡瞭皆掌播鼗與此諸職尊卑同異未聞也亞飯三飯四飯者禮王制云天

子曰食舉樂公羊隱五年傳注魯詩傳曰天子食日舉樂  
白虎通禮樂篇王者食所以有樂何樂食天下之太平富  
積之饒也明天子至尊非功不食非德不飽故傳曰天子  
食時舉樂王者所以日四食者何明有四方之物食四時  
之功也王者平居中央制御四方平旦食少陽之始也晝  
食太陽之始也餽食少陰之始也暮食太陰之始也論語  
曰亞飯干適楚三飯饒適蔡四飯缺適秦諸侯三飯卿大  
夫再飯尊卑之差也案此班氏所說殷制當爲論語舊義  
周官膳夫云王齊日三舉則天子亦三飯又鄭注鄉黨云  
不時非朝夕日中時此通說大夫士之禮則周制自天子  
至士皆三飯與殷異也又禮器曰禮有以少爲貴者天子  
一食諸侯再大夫士三注云謂告飽也既告飽則侑之乃  
更食凡三侑儀禮特性是士禮有九飯少牢是大夫禮有  
十一飯故鄭注以諸侯十三飯天子十五飯皆因侑更食  
之數與論語亞飯三飯四飯之義不同而近之儒者若黃  
氏式三後案凌氏曙典故聚皆援之以釋論語謂初飯不  
侑始侑爲亞飯再侑爲三飯三侑爲四飯案亞飯諸義白  
虎通言之最晰舍可據之明文而別爲新義未爲得理且  
三侑不過須臾之頃何得更人更爲樂也漢書古今人表  
太師摯等同在智人之列其次在殷末周前顏師古注自



師摯已下八人皆紂時奔走分散而去又禮樂志云書序  
殷紂斷棄先祖之樂通作淫聲用變亂正聲呂說婦人樂  
官師摯抱其器而奔散或適諸侯或入河海師古注論語  
云云此志所云及古今人表所敘皆謂是也云諸侯者追  
繫其地非爲當時已有國名又董仲舒傳對策曰至於殷  
紂逆天暴物殺戮賢知殘賊百姓伯夷太公皆當世賢者  
隱處而不爲臣守職之人皆奔走逃入于河海師古注  
謂若鼓方叔播鼗武少師陽之屬也然則以太師摯等爲  
殷人董氏先有此義而班氏承之故其著白虎通義於亞  
飯三飯四飯卽據殷禮說之矣惟齊楚蔡秦皆周時國名  
世多以爲疑毛氏奇齡稱求篇辨之云周成王封熊繹于  
楚蠻孝王封非子爲附庸而邑之秦皆先名其地而後封  
之者國語文王諫于蔡原注蔡公殷臣樂記齊者三代之  
遺聲也則齊在夏殷已先有之案如毛說則齊蔡秦楚皆  
舊時國名周人因而名之如今府州縣多沿先朝之稱之  
比顏師古以爲追繫其地尙未然也毛氏又曰太師摯摯  
字是疵字其又云師摯之始關雖之亂此師摯是魯人與  
人表所記不同考周本紀太師疵少師彊抱其樂器而奔  
周疵與彊卽摯與陽兩音相近之名殷本紀亦云剖比于  
囚箕子殷之太師少師乃持其祭樂器奔周是也段氏王

裁尙書撰異尙書微子篇父師少師少師史記作太師少師宋  
世家於比干死之後云太師少師乃勸微子去則少師非  
比干太師非箕子甚明殷本紀亦云微子與太師少師謀  
去而比干剖心箕子爲奴殷之太師少師乃持其祭樂器  
奔周周本紀又云云是則太師少師爲殷之樂官卽太師  
華少師陽也華卽疵陽卽彊音皆相近惟傳聞異辭則載  
所如不一而其事則一此今文尙書說也今案毛段說是  
也上章逸民有夷齊爲殷末周初下章八士亦周初人則  
此章太師摯等自爲殷末人竊以太師適齊少師入海皆  
在奔周之前伯夷大公避紂居海濱後皆適周而大公仕  
爲太師亦其類也鄭此注以爲周平王時人顏師古古今  
人表注卽不取之案史記十二諸侯年表太史公讀春秋  
厯譜牒至周厲王曰師摯見之矣鄭或據此文以爲日及  
見之則在厲王後歷宣幽而當平王矣不知年表所言師  
摯卽泰伯篇之師摯當是魯之樂官與此太師摯爲殷人  
異也且師摯與夫子同時以爲平王時亦非入於河皇本  
作于下同漢石經入于海亦作于說文韜韜遼也從革召  
聲韜韜或從兆聲韜韜或從鼓兆聲籀文韜從設召段氏  
王裁注遼者謂遼遠必聞其聲也案此則今本作韜卽韜  
之移寫釋文發亦作韜皇本作韜皆或體儀禮大射儀注

鼗如鼓而小有柄周官小師注鼗如鼓而小持其柄搖之  
翬耳還自擊據爾雅釋樂大鼗謂之麻小者謂之料翬有  
大小鄭禮注據小者言之論語播鼗播為搖亦小鼗矣○  
注亞次也○正義曰爾雅釋言亞次也說文亞醜也賈侍  
中說以為次第也○注三飯四飯樂章名○正義曰包原  
注句首當有亞飯二字集解刪之耳樂章名者謂舉食之  
樂取於亞飯三飯四飯為章名也鄭注此云亞飯三飯四  
飯皆舉食之樂與包義同○注播搖也○正義曰廣雅釋  
言播搖也與此注同說文播一曰布也周官瞽矇掌播鼗  
祝敵填簫管絃歌注播謂發揚其音義皆相近○注魯哀  
公時禮壞樂崩樂人皆去○正義曰孔此說無據顏師古  
禮樂志注譏其未允是也史記禮書云仲尼沒後受業之  
徒沈淪而不舉或適齊楚或入河海說者以子語魯太師  
樂亞飯諸職即其所屬之官當時親聞樂於夫子故皆為  
受業之徒與孔氏哀公時之說相為影響不知禮書所云  
齊楚河海乃假論語以為文而非謂太師諸人皆孔子弟  
子也史公作弟子列傳詳載諸賢而不及師摯諸人此可  
證矣又或據孔子世家孔子學琴師襄子以為即擊磬襄  
閻氏若璩釋地說夫子在衛學琴師襄子則襄子自為衛  
人與論語曰襄者自別又且一琴一磬各為樂師不得妄

有牽合

周公謂魯公曰君子不施其親不使大臣怨乎不以故舊無大故則不棄也無求備於一人

注孔曰魯公周公之子伯禽

禽封於魯施易也不以他人之親易己之親以用也怨不

見聽用大故謂惡逆之事

正義曰不施漢石經同釋文作不弛弛二字古多通用周官

遂人注施讀為弛可證也此文最當泰伯篇君子篤於親篤者記云弛棄忘也以訓此文最當泰伯篇君子篤於親篤者厚也即不弛之義禮中庸云仁者人也親親為大又云親親則諸父昆弟不怨儀禮喪服傳始封之君不臣諸父昆弟則諸父昆弟在始封國時當加恩也左昭十四年傳乃施那侯晉語施邢侯氏孔晁注廢其族也此施亦當讀弛訓廢與鄭君棄忘之訓相近服虔注左傳云施猶効也謂効其罪也惠氏棟九經古義援以解此文謂不施為隱其罪此似讀施如字亦待公族之道於義得通者也大臣謂三卿也不以謂不用其言也禮緇衣云子曰大臣不親百

姓不宦則忠敬不足而富貴已過也大臣不治而遇臣比  
矣故大臣不可不敬也是民之表也又云君毋以小謀大  
則大臣不怨蓋既用爲大臣當非不賢之人而以小臣間  
之則大臣必以不用爲怨矣魏志杜恕傳引怨何不以武氏  
意屬文未足深據包氏慎言溫故錄以爲所見本異武氏  
億羣經義證更謂何與呵通今本作乎卽呼嗟之義皆未  
然也故舊者周官大宗伯以賓射之禮親故舊朋友注云  
王之故舊朋友爲世子時共在學者王制言大學之制選  
王太子王子羣后之太子卿大夫元士之適子國之俊選  
皆造焉此文故舊卽謂魯公其學之人苟非有大故當存  
錄擇用之不得遺棄使失所也備者鄭注特牲禮云備盡  
也人才知各有所宜小知者不可大受大受者不必小知  
因器而使故無求備也漢書東方朔傳顏師古注士有百  
行功過相除不可求備亦此義也大傳云聖人南面而聽  
天下所且先者五民不與焉一曰治親二曰報功三曰舉  
賢四曰使能五曰存愛以此五者爲先當是聖人初政之  
治周公此訓略與之同故說者咸以此文爲伯禽就封周  
公訓誠之詞當得實也○注魯公至之事○正義曰史記  
魯周公世家武王破股偏封功臣同姓戚者封周公旦於  
少昊之虛曲阜是爲魯公周公不就封留佐武王武王既

周有八士伯達伯适仲突仲忽叔夜叔夏季隨季騶注包曰

周時四乳生八子皆為顯仕故記之爾正義曰達适突忽夜夏隨騶皆依韻

命名漢書古今人表仲忽作中習顏師古注習與忽同惠氏棟九經古義周有叔液鼎即八士之叔夜也古文液或省作夜尚書大傳時則有脂夜之妖鄭注云夜讀為液是古液字作夜白虎通姓名篇稱號所以有四何法四時用事先後長幼兄弟之象也故以時長幼號曰伯仲叔季也伯者長也伯者子最長迫近父也仲者中也叔者少也季者幼也質家所以積於仲何質者親親故積於仲文家尊尊故積於叔即如是論語曰周有八士云云不積於叔何蓋以兩兩俱生故也不積於伯季明其無二也○注周時至之爾○正義曰乳猶生也每生得二子故四乳得生八

子釋文引鄭云成王時劉向馬融皆以爲宣王時則馬鄭  
本有此章注義集解佚之耳盧氏文昭釋文攷證云聖賢  
羣輔錄云周八士見論語賈逵以爲文王時晉語說文王  
卽位詢于八虞賈唐云八虞周八士皆在虞官漢書古今  
人表載周八士在中上列成叔武霍叔處之前二人皆文  
王子則班固亦以爲文王時孔氏廣森經學卮言逸周書  
和寤篇曰王乃勳翼於尹氏八士武寤篇曰尹氏八士太  
師三公是八士皆尹氏爲武王時人有明證也或疑十亂  
之南宮适卽此伯适又克殷篇曰乃命南宮忽振鹿臺之  
財巨橋之粟乃命南宮百達史佚遷九鼎三巫古者命士  
以上父子皆異宮故禮曰有東宮有西宮蓋達适忽尹氏  
之子別居南宮者猶南宮敬叔本孟氏子而以所居稱之  
耳國語文王詢于八虞賈侍中云周八士皆在虞官君夷  
言文王之臣有若南宮适然則八士且逮事文王矣案盧  
孔說是也江氏永羣經補義翟氏灝四書考異略同春秋  
繁露郊語篇詩曰唯此文王小心翼翼昭事上帝允懷多  
福多福者非謂人事也事功也謂天之所福也傳曰周國  
子多賢蕃殖至於駢孕男者四四產而得八男皆君子俊  
雄也今此天之所以興周國也非周國之所能爲也董引  
傳說以釋詩多福之文則八士在文王時蓋義亦然此當

無疑者也包注雖不言八士在何時然以八士皆  
爲顯仕當據晉語仕爲虞官則與董賈說亦合也



涇包

誠校刊